

中医古籍珍稀抄本精选

诊验医方歌括

清·坐啸山人 辑

范欣生 点校

王大妹 审订

中医古籍珍稀抄本精选

主 审 段逸山 吉文辉

(按姓氏笔画为序)

副主审 王大妹 宋立人

张如青 陈 熠

审 订 李其忠 李 飞

吴九伟 招萼华

金芷君 潘朝曦

前 言

中医药抄本是中国传统文化中颇有价值的遗产,蕴含着历代医家诸多精辟的学术理论与丰富的临证经验,是中医药古籍整理研究的一个重要方面。尤其是其中的临床各科与医案部分,每每具有独到的理论启迪与临床见解,有助于拓展治疗的思路,丰富治疗的方法,具有深入整理研究的价值。

《中医图书联合目录》收录全国 113 个图书馆截至 1980 年底为止的馆藏中医药图书,其中中华人民共和国成立前出版的中文中医药图书,共计 12 124 种。内有中医药抄本 5 083 种。其中未刻抄本 3 924 种,已属孤本的有 3 623 部;清末前抄本 1 288 种,其中未刻抄本 923 种,已属孤本的有 818 部。内容涉及医经、医案、诊法、方药、综合与临床各科类。其中临证各科的抄本多达 2 118 种,其次为方书、医案类抄本。从馆藏抄本品种的数量来说,中国中医研究院图书馆与上海中医药大学图书馆收藏量最多,分别为 1 229 种与 1 045 种,合计为 2 274 种,占总量的 45%。

对抄本进行系统整理研究,是一项巨大的工程,摆在研究者面前的困难重重。具体表现为:目前没有一部书目能完整全面地反映现存抄本的情况;抄本数量庞大,分散各处,难于收集整理;从几千种抄本中进行筛选,既费时耗力,又须具有识别能力;抄本为手写体文字,字体多不规范,异体字、俗体字、讹误字甚多,再加抄写时日既久,字体有的磨灭,难以辨识,因而要求研究者不仅具有中医药等方面知识,还要善于辨识各种字体,并须依据上下文意与相关著作加以酌定;提要的一个重要内容是介绍作者,而很多作者因无传世著作,其生平难以了解,须借助相关工具书查寻。唯其如此,对于中医药抄本这一部分遗产,尤其是世上目前仅存一部的珍贵抄本,长期以来乏人问津,未见有人加以系统整理,因而至今仍是迷雾一团,不知底细。随着时间的迁移,因人为与自然的原因,中医药抄本损失惨重,从现存清末前未刻抄本的数量已远少于清末后未刻抄本的状况,便可见一斑。因此,对中医药抄本进行整理研究,不仅具有保存中医古籍精华、弘扬中医学学术、促进临床发展的作用,而且具有抢救祖国文化遗产的特殊意义。

据我们对抄本的初步研究,其内容体式大致可归纳为三类:第一类是类辑抄本,即按内容分类抄录前人的资料,如清代张璐《医通祖方》、朱时进《一见能

医》等即是。此类抄本虽然属于编辑性质,但其有两方面可取之处:一是将相关资料汇辑一处,给后人阅读使用提供了方便。二是所抄录的前代资料有的业已亡佚,凭此抄录而得以留传。第二类是评述抄本,即在抄录前人资料的基础上,加上个人的分析评述,如清代杨和《幼科折衷秘传真本》、方谟重订《薛氏济阴万金书》等即是。此类抄本汇集前代医家重要论述,间附作者的临证心得,分析评述往往一言中的,寓有真知灼见,有助于读者把握前代资料的精髓。第三类是心得抄本,即在医学理论上有着独到的见解,或在临证实践上有丰富的经验,如清代徐养恬《徐养恬方案》、江泽之《江泽之医案》等即是。此类抄本最具学术价值,是我们整理研究的主要对象,本套丛书所收录大多为此类抄本。

本套丛书共收录抄本五十余种,绝大多数为清代抄本,以临床各科类、医案类为主。入选的标准主要有三条:一是具有较高的学术价值与实用价值,在理论与实践上有独特的见解和经验;二是古代既无刻本,现代又无排印本、影印本;三是内容完整、版式清楚的善本。

上海中医药大学图书馆、南京中医药大学图书馆为本套丛书提供底本,谨致谢忱!上海科学技术出版社为传承发扬中国传统文化,编辑出版本套丛书,其眼力之非凡,气魄之恢弘,殊实令人感佩!

本套丛书的出版,旨在将沉埋多年的中医瑰宝呈现给广大读者,以引起人们对中医古籍抄本的重视,并开展更为深入的研究。本套丛书主要为中医药专业工作者、中医药院校学生、古代文献与传统文化工作者及其爱好者阅读研究,也可供各地图书馆与相关专业图书馆收藏。

段逸山

二〇〇三年六月

凡 例

一、字体。统一使用简化字,不出现繁体字与异体字。

二、提要。置于正文之前。介绍作者与全书内容,注重其在理论与临床上的特点。

三、正文。按内容分段,并加标点符号。为便于分辨,属于眉批、夹注以及药物剂量、炮制方法用小号字排印。

四、校注。置于同页下方,按照正文所加序号依次分行排列。凡内容重要,且校勘有据者,选择采用本校、他校、理校等校勘方法。注释对象有二:一是注音。凡冷僻的难读字,采用拼音加直音的方法注音。二是释义。凡疑难词句,加以注释。校语与释文力求科学规范,简明扼要。凡明显错字或重复的内容,一律直接予以改正或删除,不再出注。

五、目录。为读者检阅方便起见,抄本原有目录的照录,补上序号;原目录与正文不一致者,则依照正文改正;原无目录的,依据正文补上序号与目录。

六、案序。为醒目易检,凡医案类抄本,每一病证所录医案,均用阿拉伯数字编排序次。

七、禁用药物。抄本中有些药物现属国家禁止使用的动、植、矿物药材,为保持古籍抄本原貌,本书对此均不作删改,仅供参考。

【提要】

《诊验医方歌括》一书,为清坐啸山人撰。该书为抄本,线装共3册,现藏于南京中医药大学图书馆。

方剂是中医辨证论治中理、法、方、药四位一体的重要环节,由于其药物组成、制法用法、功用主治及一些注意事项等内容比较繁杂,且方剂的数量,浩如烟海,记忆方剂亦非易事。以歌括的形式对其进行阐释,便于记忆,为后世中医所推崇。

《诊验医方歌括》是用诗歌体裁写成的方剂专著,文辞流畅,深入浅出,用诗歌的形式表述了方名、组成、用法和功能主治,返博为约,阐释了组方配伍理论和辨证应用,为后学者启开了登堂入室的方便之门;同时也从一个侧面反映了清后期的方剂学发展水平。全书收正方150,补编收70首。所收方剂以功效分类,分为温疫、中风、中寒、暑湿热、秋燥、火证、劳伤、脑漏、鼻衄、齿血、关格、咳嗽、痰饮、肺痛、结胸、瘴症、黄瘴、除中、痿症、痹症、肿胀、下利、诸痛、产后三冲、霍乱、痔疮、便血、疝气、经产、婴儿等。在撰写体例上首先是方名、功用(有一部分列有方源)、歌诀、主证、方剂的组成和分量、制法和服用法,以及附方。文后对药性理论和诸药主病进行了阐述。全书既收集了前贤理论,也有作者临证经验,可谓中医学中又一宝贵资料。

诊验医方歌括

池阳坐啸轩藏稿

汪切庵医方汤头歌诀，门分类别，辞雅明义，居恒伏读，临证则奔赴腕下，得心应手。间及吴氏条辨、叶氏指南、王氏温热经纬之方，另著神效，而孟河费氏所制，尤多应验，乃苦其难记，非若汪氏之书可以诵习也。缘不揣冒昧，仿为歌括，成百数十首，或亦业此者之终南捷径乎，度诸胸中，以便临时取用。其有未经试验，或过时忘记、散见各书者，不及备录，补编尚俟异日，兹则暂付阙如。

辛巳仲春池阳坐啸山人识

目 录

| | |
|--------------------|----|
| 诊验医方歌括上 | 1 |
| 温疫 | 1 |
| 银翘散 | 1 |
| 桑菊饮 | 2 |
| 三仁宣痹汤 | 3 |
| 新加黄龙汤 附方:益胃汤 | 4 |
| 甘露清毒丹 附方 | 5 |
| 神犀丹 | 6 |
| 清瘟败毒饮 附方 | 7 |
| 中风 | 9 |
| 加味桂枝汤 | 9 |
| 养血祛风汤 | 9 |
| 加味竹沥汤 | 10 |
| 清心饮 | 10 |
| 消风返正汤 | 11 |
| 黄芪九物汤 | 11 |

| | |
|-------|----|
| 舒筋通络汤 | 12 |
| 地黄饮子 | 12 |
| 资寿解语汤 | 13 |
| 天麻丸 | 13 |
| 凉膈散 | 14 |
| 滋生青阳汤 | 14 |
| 滋肾息风汤 | 15 |
| 驯龙汤 | 15 |
| 甲乙归藏汤 | 16 |
| 中寒 | 16 |
| 茯苓四逆汤 | 16 |
| 白术四逆汤 | 17 |
| 茴香四逆汤 | 17 |
| 茱萸附桂汤 | 17 |
| 暑湿热 | 18 |
| 赤芍连翘散 | 18 |
| 白术苡仁汤 | 19 |
| 黄连涤暑汤 | 19 |
| 三解汤 | 19 |
| 加味神术汤 | 20 |
| 四正散 | 20 |
| 和中化浊汤 | 21 |
| 化逆汤 | 21 |
| 加味茵陈汤 | 22 |

| | |
|----------------------|----|
| 牡丹皮汤 | 22 |
| 加味三才汤 | 23 |
| 三黄石膏汤 | 23 |
| 秋燥 | 24 |
| 清金保肺汤 | 24 |
| 润肺降气汤 | 24 |
| 涵木养荣汤 | 25 |
| 女贞汤 | 25 |
| 清燥润肠汤 | 25 |
| 清燥救肺汤 | 26 |
| 火症 | 27 |
| 润燥泻肺汤 | 27 |
| 加味丹栀汤 附方:龙胆泻肝汤 | 27 |
| 加味泻黄散 | 28 |
| 玉液煎 | 29 |
| 槐子汤 | 29 |
| 消风散火汤 | 30 |
| 清火涤痰汤 | 30 |
| 雪乳汤 | 31 |
| 解郁合欢汤 | 31 |
| 黄金化毒汤 | 32 |
| 甘露饮 | 32 |
| 导赤各半汤 | 33 |
| 普济消毒饮 | 33 |

| | |
|-------------|----|
| 人参清肌散 | 34 |
| 消斑青黛饮 | 34 |
| 劳伤 | 35 |
| 来苏汤 | 35 |
| 冲和汤 | 35 |
| 萱草忘忧汤 | 36 |
| 大安汤 | 36 |
| 酸枣仁汤 | 37 |
| 天真丸 | 37 |

诊验医方歌括中

| | |
|---------------------|----|
| 脑漏 | 39 |
| 桑菊愈风汤 | 39 |
| 清肝透顶汤 | 39 |
| 通阳圣化汤 | 40 |
| 鼻衄 | 40 |
| 藜龙汤 附方 又方 | 40 |
| 齿血 | 41 |
| 苍玉潜龙汤 | 41 |
| 关格 | 42 |
| 归桂化逆汤 | 42 |
| 资液救焚汤 附方:胡桃肉汤 | 42 |
| 咳嗽 | 44 |

| | |
|------------------|----|
| 姜桂二陈汤 | 44 |
| 保肺济生丹 | 44 |
| 降气和中汤 | 45 |
| 金牛汤 | 45 |
| 玄妙散 | 46 |
| 丹青饮 | 46 |
| 山虎汤 | 46 |
| 回风养脏汤 | 47 |
| 洁宫汤 | 47 |
| 通理汤 | 48 |
| 补肺阿胶散 | 48 |
| 痰饮 | 49 |
| 神芎导水丸 附注 又 | 49 |
| 清气化痰丸 | 50 |
| 半夏天麻白术汤 | 50 |
| 代赭旋覆汤 | 51 |
| 肺痈 | 51 |
| 三子养亲汤 | 51 |
| 苇茎汤 | 52 |
| 结胸 | 52 |
| 祛寒平胃散 | 52 |
| 梔子解郁汤 | 53 |
| 竹沥涤痰汤 | 53 |
| 痺疟 | 54 |

| | |
|---------------|----|
| 玉露散 | 54 |
| 清脾饮 附注 | 54 |
| 黄痺 | 55 |
| 导黄汤 | 55 |
| 茵陈玉露饮 | 55 |
| 除中 | 56 |
| 祛烦养胃汤 | 56 |
| 痿症 | 56 |
| 玉华煎 | 56 |
| 调荣通脉汤 | 57 |
| 水木华滋汤 | 57 |
| 痹症 | 58 |
| 温经养荣汤 | 58 |
| 龙火汤 | 59 |
| 立极汤 | 59 |
| 桑朴汤 | 60 |
| 三灵汤 | 60 |
| 安贞汤 | 61 |
| 利济汤 | 61 |
| 栝蒌薤白半夏汤 | 62 |
| 吴茱萸散 | 62 |
| 羌活汤 | 62 |
| 升麻汤 | 63 |
| 犀角散 | 63 |

| | |
|--------------|----|
| 肿胀····· | 64 |
| 离照汤····· | 64 |
| 温肺桂枝汤····· | 64 |
| 青阳汤····· | 65 |
| 姜术二仁汤····· | 66 |
| 温泉汤····· | 66 |
| 通幽化浊汤····· | 67 |
| 既济汤 附方····· | 67 |
| 金匱防己黄芪汤····· | 68 |
| 实脾散····· | 68 |
| 舟车丸····· | 68 |
| 下利····· | 69 |
| 回风外解汤····· | 69 |
| 温中化浊汤····· | 69 |
| 消炎化毒汤····· | 70 |
| 大顺汤····· | 70 |
| 育金煎····· | 71 |
| 仓廩汤····· | 71 |
| 槐花散····· | 72 |
| 香连丸····· | 72 |
| 生地黄汤····· | 72 |
| 痛症····· | 72 |
| 香芷汤····· | 72 |
| 羚羊角汤····· | 73 |

| | |
|-------------|----|
| 养血胜风汤 | 73 |
| 黄连清火汤 | 74 |
| 滋阴降火汤 | 74 |
| 清热胃关煎 | 75 |
| 清心饮 | 75 |
| 大泽汤 | 76 |
| 驯龙馭虎汤 | 76 |
| 抑木和中汤 | 77 |
| 调荣敛肝饮 | 77 |
| 悦脾汤 | 78 |
| 养胃汤 | 78 |
| 桂朴汤 | 79 |
| 返蟄汤 | 79 |
| 产后 | 80 |
| 去恶平胃散 | 80 |
| 去恶清肺汤 | 80 |
| 去恶清心汤 | 81 |

诊验医方歌括下

| | |
|-------------|----|
| 霍乱 | 82 |
| 黄芩定乱汤 | 82 |
| 连朴饮 | 83 |
| 蚕矢汤 | 83 |
| 驾轻汤 | 83 |

| | |
|--------------------|----|
| 致和汤 | 84 |
| 连萸解毒汤 | 84 |
| 龙涎丸 | 85 |
| 左金温胆猪苓汤 | 85 |
| 藿香左金丸 | 86 |
| 痔疮 | 86 |
| 秦艽防风汤 | 86 |
| 泻叶 | 87 |
| 便血 | 87 |
| 槐花散 | 87 |
| 土茯苓汤 附方 | 88 |
| 八正散 | 88 |
| 草薢分清饮 | 89 |
| 疝气 | 89 |
| 化气疏肝汤 | 89 |
| 加味橘核汤 又 | 90 |
| 筋痛饮 | 90 |
| 经产 | 91 |
| 温经汤 | 91 |
| 定经汤 附方:清肝止淋汤 | 91 |
| 完带汤 | 92 |
| 痛经丸 | 92 |
| 安胎方 | 93 |
| 生化汤 | 94 |

| | |
|----------------|-----|
| 清魂散 | 95 |
| 固本止崩汤 附方 | 95 |
| 加减当归补血汤 | 96 |
| 固气汤 | 97 |
| 平肝开郁止血汤 | 97 |
| 逐瘀止血汤 | 97 |
| 清海丸 | 98 |
| 引精止血汤 | 98 |
| 婴儿 | 99 |
| 清热镇惊汤 | 99 |
| 牛黄丸 | 99 |
| 凉惊丸 | 100 |
| 泻心导赤汤 附注 | 100 |
| 清心涤痰汤 | 101 |
| 醒脾汤 | 101 |
| 缓肝理脾汤 | 101 |
| 温中补脾汤 附注 | 102 |
| 定痫丹 | 103 |
| 朱衣滚痰丸 | 103 |
| 牛黄丸 | 104 |
| 温痧汤 | 104 |
| 杏贝二陈汤 | 105 |
| 金沸草散 | 105 |
| 消癍青黛饮 | 105 |

| | |
|-------------|-----|
| 普济清毒饮 | 105 |
| 五虎汤 | 105 |
| 豆蔻散 | 106 |
| 熨脐方 | 106 |
| 香连导滞汤 | 107 |
| 真人养脏汤 附方 又方 | 107 |
| 参苓白术散 | 108 |
| 钩藤饮 | 108 |
| 导赤散 | 109 |
| 蝉花散 | 109 |
| 生地黄汤 | 109 |
| 蒋氏化毒丹 | 110 |
| 犀角解毒饮 | 110 |
| 蓝叶散 | 111 |
| 清热泻脾散 | 111 |
| 保命散 | 112 |
| 清胃散 | 112 |
| 一字散 | 112 |
| 消疳芫荇汤 | 113 |
| 牙疳散 | 113 |
| 清热饮 | 113 |
| 凉心散 | 114 |
| 换肌清毒散 | 114 |
| 清凉膏 | 115 |

| | |
|---------------------|-----|
| 鹅黄散 | 115 |
| 眼不开 生地黄汤 熊胆洗法 | 115 |
| 不小便 豆豉膏 | 116 |
| 脐湿脐疮 掺脐散 金黄散 | 116 |
| 胎毒 豆豉汤 | 117 |
| 浴儿 五枝汤 | 117 |
| 剃头 杏麻薄腻膏 通关散 | 117 |
| 药性赋 | 118 |
| 寒性 | 118 |
| 热性 | 120 |
| 温性 | 121 |
| 平性 | 123 |
| 诸药主病 | 124 |

诊验医方歌括上

温 疫

银翘散

温病解表平剂。吴鞠通

银翘薄荷甘草生，鼠黏荆豉竹芦平，衄茅梔
柏除荆豉，渴取萎根咳杏仁，胸膈闷加藿香郁，
咽疼项肿勃玄参，热淫入里麦冬地，更合山梔知
母苓。

连翘一两 薄荷六钱 银花一两 甘草五钱
桔梗六钱 荆芥四钱 淡豆豉五钱 牛蒡六钱 竹
叶四钱

上杵为散，每服六钱，鲜苇根煎汤代水。

治温病脉动数尺肤热，头痛微恶风寒，身热
自汗，或但热不恶寒而渴，午后热甚，肺气郁而
火克金也。遵《内经》风淫于内治以辛凉佐以
苦甘，热淫于内治以咸寒佐以甘苦之训，又宗喻

嘉言芳香逐秽之说,用东垣清心凉膈散。病初起且去入里之黄芩,勿犯中焦,加银花辛凉、芥穗芳香,散热解毒,牛蒡子辛平,润肺解热散结,除风利咽,皆手太阴药。胸膈闷者加藿香、郁金护膈中;渴甚者加花粉;项肿咽痛者加马勃、玄参;衄者去芥穗、豆豉,加白茅根、侧柏炭、栀子炭;咳者加杏仁利肺气;肺热入里加细生地、麦冬保津液,再不解或小便短者加知母、黄芩、栀子之苦寒,与麦冬之甘寒合化阴气而治热淫所胜。

桑菊饮

风温解表轻剂。

桑菊翘荷甘桔杏,芦根同煮渴花粉,热芩喘入知母膏,舌绛玄参犀角稳,在血地黄玉竹丹,麦冬加入芦荷省,辛凉解表并芳香,及上银翘温病诊。

杏仁一钱 连翘一钱五分 薄荷八分 菊花一钱
苦桔梗二钱 甘草八分 桑叶二钱五分 苇根二钱

治风温咳嗽,热伤肺络也,身不甚热微渴。桑叶善平肝风亦走肺络而宣肺气,菊花晚成甘

芳能补金水二脏，气粗似喘燥在气分者，加石膏、知母；舌绛暮热甚燥，邪初入荣，加玄参二钱，犀角一钱；在血分者去薄荷、苇根，加麦冬、细生地、玉竹、丹皮各二钱；肺热甚加黄芩，渴者加花粉。经曰冬不藏精必病温，又曰病温虚甚死，可见病温者，精气先虚。凡治风温温热温疫冬温当预护其虚。此银翘散、桑菊饮之所以为妙，为清解肺胃治温主剂，至外寒搏内热及非时伤风皆可少投辛温。

三仁宣痹汤

湿温。

三仁宣痹湿温宗，竹叶蔻仁厚朴通，半夏杏仁飞滑石，苡仁清利妙无穷，杏仁朴夏如删去，加入苓翘白疹从。

杏仁五钱 滑石六钱 通草二钱 白蔻二钱
厚朴二钱 苡仁六钱 半夏五钱 竹叶二钱

甘澜水煮。

治伏暑湿温，头痛恶寒，身重疼痛，舌白不渴，脉弦细而濡，面色淡黄，胸闷不饥，午后身热，状若阴虚，病难速已，吾乡俗名秋呆子。以三仁汤轻解上焦、宣通中焦，清热利湿则诸证次

第而愈。否则汗之则神昏耳聋,甚则目瞑不欲言,下之(则)洞泄,润之则病深。如身出白痞如疹,则去朴夏杏仁,加茯苓连翘清心。

新加黄龙汤

温病阴阳俱惫。

黄龙邪实下难通,正气虚无运药功,归地硝黄姜汁草,玄参人海麦门冬。可以萋仁代硝黄,恐其碱寒伤胃。轩

细生地五钱 生甘草二钱 人参一钱五分,另煎
生大黄三钱 芒硝一钱 玄参五钱 麦冬五钱 当
归一钱五分 海参二条,洗 姜汁六匙

水八杯煮取三杯,先用一杯冲参汁五分,姜汁二匙顿服之,如腹中有响声或转矢气者,为欲便也,不便候一二时再如前法服一杯,候二十四刻服第三杯即得便,止后服,酌服益胃汤,余参或可加入;证属阳明温病失下,正气久耗,阴阳俱惫,下之不通为正虚不能运药,危险难治。

附方:益胃汤

沙参三钱 麦冬五钱 细生地五钱 玉竹一钱
五分炒香 冰糖一钱

阳明温病,下后汗出,当复其阴,否(则)恐

将来液亏燥起，而成干咳身热之怯证也。

甘露清毒丹

温疫。叶天士

瘟疫流行消毒丹，热淫湿胜木通干，荷翘蔻
贝茵芩滑，广藿菖蒲神曲含。

飞滑石十五两 绵茵陈十两 淡黄芩十两
石菖蒲六两 川贝母 木通各五两 藿香 射干
连翘 薄荷 白豆蔻各四两

上各药晒燥生研细末，每服三钱，开水调服，日二次；或以神曲糊丸如弹子大，开水化服，亦可或连神曲生晒碾末，用鲜车前苧三十二两煎汤泛丸。

此治湿温时疫之主方。邪从口鼻皮毛而入，病从湿化者，发热倦怠，胸闷（腹）胀，肢酸咽咽，斑疹身黄，颐肿口渴，溺赤便秘，吐泻腹痛，霍乱转筋，痧闭疟痢，淋浊疮疡，寒热往来，重暑，重湿等证，并主水土不服。察看病人舌苔淡白，或厚腻，或干黄，是暑湿热疫之邪尚在气分，悉于此丹，若壮热旬日不解，神昏谵语，斑疹，舌绛，干光圆硬，津涸液枯，寒从火化是邪已入营矣，用神犀丹。

附方：

当变其分两，加砂仁水泛为丸，以治温热湿毒等症，久著神效。轩

黄芩二两 广藿香二两 砂仁六钱 白蔻衣八钱 射干八钱 大贝母一两 京菖一两二钱 木通一两 苏荷八钱 茵陈三两 飞滑石三两 炒神曲四两 连翘二两

研末水泛丸如绿豆大，每服二钱，鲜车前汤送下。

神犀丹

温热暑疫，逆传内陷。

神犀犀地板蓝根，菖豉银翘花粉芩，元参紫草同金汁，舌绛津干邪入营。

乌犀角尖磨汁 石菖蒲 黄芩各六两 真怀生地绞汁 鲜银花各一斤捣汁 粪清 连翘各十两 板蓝根九两，无则以青黛代之 香豉八两 元参七两 花粉 紫草各四两

上各生晒研细，以犀角地黄汁、粪清和捣为丸，切勿加蜜，如难丸，可将香豉煮烂，每重三钱，凉开水化服，日二次，小儿减半，如无粪清可加人中黄四两研入。

凡温热暑疫，诸病邪不即解，耗液伤营，逆传内陷，痉厥昏狂，谵语发斑等证，但看病人舌色干光，或紫绛，或圆硬，或黑苔，皆以此丹救之。若初病即觉神情昏躁而舌赤口干者，是温暑直入营分，酷暑之时，阴虚之体，及新产妇人患此最多，急用此挽救，切勿拘泥日数，误投别剂，兼治痘瘡毒重夹带紫斑危证，暨痘疹后余毒内炽，口糜咽腐，目赤神烦诸证。

清瘟败毒饮

一切火热，表里俱盛。王孟英

清瘟桔梗汤去苏荷，丹芍玄参知母俱，生地石膏犀角入，川连竹叶也相需。

生石膏大剂六两至八两，中剂二两至四两，小剂八钱至一两二钱 小生地大剂六钱至八钱，中剂三钱至五钱，小剂二钱至四钱 乌犀角大剂^①六钱至八钱，中剂三钱至五钱，小剂二钱至四钱 真川连大剂四钱至六钱，中剂二钱至四钱，小剂一钱至一钱五分 栀子 桔梗 黄芩 知母 赤芍 玄参 连翘 甘草 丹皮 鲜竹叶

① 大剂：原无，据上下文补。

先煮石膏数十沸后下诸药，犀角磨汁和服。此十二经泄火之药也，凡一切火热表里俱盛，狂躁烦心，口干咽痛，大热干呕，错语不眠，吐血衄血，热甚发斑，不论始终，以此为主方，重用石膏直入胃经使其敷布于十二经，退其淫热；佐以黄连、犀角、黄芩，泄心肺火于上焦，丹皮、栀子、赤芍泄肝经之火，连翘、玄参解散浮游之火；生地、知母抑阳扶阴泄其亢甚之火而救欲绝之水，桔梗、竹叶载药上行；使以甘草和胃，此大寒解毒之剂。若疫症初起，恶寒发热，头痛如劈，烦躁谵妄，身热肢冷，舌刺唇焦，上呕下泄，六脉沉细而数，即用大剂，沉而数者即用中剂，浮大而数者用小剂。如斑一出，即加大青叶，并少佐升麻四五分，引毒外透，此内化外解，浊降清升之法。秦皇士治斑用生地、黄连、升麻、丹皮、木通、甘草名升麻清胃汤，轻清凉血，亦是透化斑疹之妙法。误食荤腥者，加山楂、砂仁。

附方：

局方凉膈散去硝黄加桔梗名桔梗汤，此易老法，亦即东垣清心凉膈散。

中 风

加味桂枝汤

风中络。费晋卿

加味桂枝汤勿差，川怀牛膝归蚕砂，芎防中络风邪治，肌肉不仁手足麻。

卫气不能捍外，则风入于络，故手指足趾麻木而肌肉不仁。

桂枝八分 白芍一钱五分 甘草五分 怀牛膝二钱 川牛膝一钱五分 当归二钱 蚕砂四钱 秦芎一钱 防风一钱 红枣五枚 姜三片

养血祛风汤

中经。

养血祛风虎胫独，归牛木地苓芎续，枣姜术芍桑桂枝，体重贼邪入经脉。

营血不能固内，则风入于经脉，故身体重着，步履艰难，治宜养血祛风。

生地五钱 当归二钱 白芍一钱酒炒 桂枝六分 茯苓三钱 白术一钱 虎胫骨一钱五分炙 续断二钱 独活一钱酒炒 秦芎一钱 牛膝二钱 木

香五分 红枣十枚 姜三片 桑枝一尺

加味竹沥汤

中府。

加味竹沥风中府，痰塞灵窍胃津阻，斛麦天麻姜沥冲，僵蚕羚羊橘星数。

胃为六府之长，职司出纳，风入于胃，胃火炽盛，水谷之气不生津液而化痰涎，痰随火升，阻塞灵窍，故昏不知人。法宜清胃涤痰。

麦冬二钱 石斛三钱 羚羊角一钱五分 橘红一钱 胆星五分 僵蚕一钱五分 天麻八分 淡竹沥半杯 姜汁一滴，同冲服

清心饮

中藏。

清心淡竹与黄连，菖远丹星橘麦兼，琥珀牛黄风中藏，面红舌硬口流涎。

心体纯阳，风性飏举，风火上扰，神明散乱，故舌不能言而口流涎沫，甚或神昏鼾睡面色油红，此为难治。姑拟此方以备救急之一法。

牛黄五分 琥珀五分 黄连五分 丹参三钱 远志五分，甘草水炒 菖蒲八分 橘红一钱 胆星五

分 麦冬一钱五分 淡竹叶二十张

消风返正汤

口眼喎斜。

消风返正筋牵制，口眼喎斜麦冬蝎，羚羊僵蚕斛粉羌，天麻贝母黄荆叶。

足阳明之脉夹口环唇，足太阳之脉起于目内眦，胃有痰火，又风从太阳而来，兼扰阳明，故筋脉牵制而口眼歪斜，宜消风返正。

羌活一钱 天麻八分 蝎尾五支 僵蚕一钱五分炒 贝母二钱 羚羊角一钱五分 石斛三钱 花粉二钱 麦冬二钱 黄荆叶五张

黄芪九物汤

半身不遂。

黄芪九物气虚饵，半身不遂手足弛，独活防风姜枣煎，鹿胶牛膝四君子。

半身不遂，手足纵弛，食少神疲，不能步履，证属气虚。

黄芪二钱 防风一钱 党参五钱 茯苓二钱 白术一钱 鹿胶一钱五分，角霜炒 独活一钱，酒炒 牛膝二钱 甘草五分 大枣二枚 姜三片

舒筋通络汤

舒筋通络血虚尝，四物芩牛姜枣桑，枸瓜独断金毛楮，指屈能伸步履强。

筋节拘挛，手指屈而不伸，不能步履，证属血虚，宜舒筋通络。

生地四钱 当归二钱 白芍一钱五分，酒炒 川芎一钱 枸杞三钱 木瓜一钱，酒炒 金毛脊二钱，去毛切片 楮实二钱 川断二钱 独活一钱，酒炒 牛膝二钱 秦艽一钱 红枣十枚 姜三片 桑枝一尺

地黄饮子 刘河间

治瘖厥风痺。

地黄饮子山茱斛，麦味菖蒲远志茯，苁蓉桂附巴戟天，少入薄荷姜枣服。瘖厥风痺能治之，火归水中水生木。歌仍汪氏

心火暴甚，肾水虚衰，卒倒无知，口噤身冷，四肢不收。治宜和藏府通经络。

熟地 山茱肉 石斛 麦冬 五味子 石菖蒲 远志甘草水炒 茯苓 肉苁蓉 官桂 附子炮 巴戟天各等分 姜三片 枣一枚 薄荷叶六张

资寿解语汤《沈氏尊生书》

治风中心脾。

资寿解语治舌强，附子天麻甘草羌，酸枣防风羚羊桂，冲来竹沥与生姜。

中风脾缓，舌强不语，半身不遂。

防风一钱 附子一钱 天麻一钱 官桂八分
枣仁一钱 羌活五分 甘草五分 羚羊角八分 竹
沥两大匙 姜汁两滴，同冲服

天麻丸张洁古方

治肾藏虚热生风，筋脉牵掣，遍身疼痛，手足麻木，口眼喎斜，半身不遂，以及寒痰相搏等证。

天麻地膝当归附，羌独玄参萆薢杜，因热生风养血宜，酒丸通络风兼去。

风因热而生，热盛则动，宜以静胜其燥，养血通络，兼去肾风。

天麻四两，酒浸 牛膝四两，酒浸 萆薢四两
玄参四两 杜仲七两 附子一两 羌活三两 独活
三两 当归十两 生地一斤

共为细末，炼蜜为丸如桐子大。每服五七十丸，空心温酒下。

凉膈散《太平惠民和剂局方》

治温病表里实热，心火膈热，及中焦燥实，烦渴头昏，目赤面毒，口疮唇裂，舌肿喉闭，吐衄涎嗽稠黏，颌颊结硬，二便淋闭，胃热发斑谵狂，诸风癰疽，手足搐逆，小儿急惊，痘疮黑陷，一切藏府积热等证。

凉膈硝黄栀子翘，黄芩甘草薄荷饶，竹叶蜜煎疗膈上，中焦燥实服之消。歌仍汪氏

连翘四钱 大黄二钱，酒洗 芒硝二钱 甘草二钱 栀子一钱，炒黑 黄芩一钱，酒炒 苏荷一钱

上药为末，加竹叶生蜜煎，若专治温热时行，则用竹叶；治感冒之证，则用葱白、姜枣。张洁古于此方去硝黄，加桔梗，治上焦热便不实者。

滋生青阳汤

肝风。费氏

滋生青阳斛决明，丹麻地芍麦冬青，柴荷桑菊灵磁石，摇颤肝风眩晕平。

头目眩晕，肢节摇颤，如登云雾，如坐舟中。

生地四钱 白芍一钱 丹皮一钱五分 麦冬一钱五分，青黛拌 石斛二钱 天麻八分 甘菊二钱

石决明八钱 柴胡八分,醋炒 桑叶一钱 薄荷一钱
灵磁石五钱,整块同煎

滋肾息风汤

肾风。

滋肾息风巴戟天,天麻枸菟菊豨莖,地黄归
独加姜枣,眩晕心惊恐怖痊。

头目眩晕,心中悬悬,惊恐畏人,常欲蒙被
而卧。

熟地四钱 当归二钱 枸杞三钱 菟丝四钱
甘菊二钱 巴戟天三钱 豨莖三钱 天麻八分 独
活一钱,酒炒 红枣十枚 姜三片

驯龙汤

心烦身颤,坐卧不安。

驯龙齿决羚羊菊,地断薄荷归芍独,钩沉红
枣治心烦,坐卧不安身颤服。

五心烦扰,自头至腰,时时作颤,坐卧不安。

龙齿二钱 真珠母八钱 羚羊角一钱五分 杭
菊二钱 生地六钱 当归二钱 白芍一钱 薄荷一
钱 沉香五分 续断二钱 独活一钱 红枣十枚
钩藤勾四钱,后入

甲乙归藏汤

彻夜不寐。

甲乙归藏齿丹参，薄荷柴地芍归沉，夜交夜合珠红枣，柏子同安不寐人。

饮食如常，惟彻夜不寐，间日轻重如发疟，一载未愈，诊其脉左关独见弦数，系少阳与厥阴同病，互相胶结，故有起伏，而又延久难奏速效，连服数十剂乃愈。

真珠母八钱 龙齿二钱 柴胡一钱，醋炒 薄荷一钱 生地六钱 归身二钱 白芍一钱五分，酒炒
丹参二钱 柏子仁二钱 夜合花二钱 沉香五分
红枣十枚 夜交藤四钱切

中 寒

茯神四逆汤

中寒。

茯神四逆真心痛，参茯香砂轩加共，白术四逆苓枣参，身冷汗出心包奉，茴香四逆杜枣苓，故纸便清寒下用，温剂回阳猝发宜，不是传经是直中。

寒邪直犯君主，脘痛呕吐身冷，手足青至节

为真心痛，水来克火，甚则旦发夕死，茯神四逆汤主之。

茯神二钱 附子三钱 干姜一钱 人参二钱
甘草五分 木香六分 砂仁一钱

或加沉香五分，牛膝二钱，水三钟至一钟，漱温服。

白术四逆汤

中寒发厥而心痛，虽在包络，然已是心之外府，故手足厥逆，身冷汗出，便溺清利，为厥心痛，甚亦朝发夕死，白术四逆汤主之。

白术三钱 附子三钱 干姜一钱 人参二钱
茯苓二钱 甘草五分 大枣三枚

茴香四逆汤

腹痛下利，手足厥冷，小便清利，为寒邪直中少阴，肾气厥逆，茴香四逆汤主之。

小茴香二钱 附子三钱 干姜一钱 破故纸二钱
杜仲五钱 茯苓二钱 甘草五分 大枣三枚

茱萸附桂汤

直中厥阴。

茱萸附桂芍归香，白术台乌大枣姜，下利爪青手足冷，痛连腹胁厥阴伤。

肝气厥逆，胁下及腹中绞痛，下利，手足厥冷，指爪皆青。

吴萸七分 附子二钱 肉桂八分 当归三钱
白芍一钱五分 白术一钱 木香六分 乌药一钱
枣二枚 姜三片

暑 湿 热

赤芍连翘散

风热刚痉。

赤芍连翘葛豉防，萎根独活草荷桑，风邪无汗成刚痉，热盛项强弓反张。

刚痉，头痛项强，手足搐逆，甚则角弓反张，发热无汗，此风热盛也。热伤荣血，筋脉暴缩，风入经络，肢节拘挛，风热合而为病。

赤芍一钱五分 连翘二钱 葛根二钱 花粉三钱
豆豉三钱 防风一钱 薄荷一钱 独活一钱
甘草四分 经霜桑叶二十张

白术苡仁汤

湿热柔痉。

白术苡仁汤有汗，苍归薄芍苓翘辨，萎根荷叶草同煎，柔痉能医湿热散。

身体重着，肢节拘挛，有汗而热是为柔痉。暑热为天之气，其来甚速，其去亦甚速，体熏筋挛乃热邪为湿所留，故有汗而热不退也。

白术一钱 茅术一钱 苡仁八钱 茯苓三钱
 当归一钱五分 赤芍一钱 薄荷一钱 连翘一钱五分
 花粉三钱 甘草四分 鲜荷叶一角

黄连涤暑汤

中暑。

黄连涤暑山栀芩，粉葛甘翘夏茯苓，猝倒不知昏愤噤，热邪内犯少阴经。

热邪内犯君主，猝然而倒昏不知人，身热口噤。

黄连五分 黄芩一钱 山栀一钱五分 连翘一钱五分
 葛根二钱 茯苓二钱 半夏一钱 甘草四分

三解汤

伤热。

三解汤医暑湿郁，芩连栀粉通苓泽，大黄荷梗夏连翘，急下存阴痞渴释。

暑湿气合郁为大热，五心烦躁，坐卧不安，渴饮胸痞，此三气迭乘已成燎原之势，宜急下存阴。

黄连五分 黄芩一钱 大黄四钱 栀子一钱五分
 花粉二钱 连翘一钱五分 半夏一钱 茯苓二钱
 木通一钱 泽泻一钱五分 青荷梗一尺

加味神术汤

伤湿。

加味神术苍兼白，朴夏归牛砂苡茯，佩兰荷叶与生姜，胸痞食微肢倦服。

四肢倦怠，食少胸痞。

白术一钱 茅术一钱 当归一钱五分 茯苓二钱
 苡仁四钱 厚朴一钱 砂仁一钱，炒 半夏曲三钱
 佩兰叶一钱 川牛膝一钱五分 荷叶一角
 姜两片

四正散

呕吐。

四正散用不换金，草除加入曲砂仁，茯苓竹

茹生姜汁，外感食伤呕吐宁。

饮食不节，兼感不正之气而为呕吐。

藿香一钱五分 茅术一钱 厚朴一钱 砂仁一钱
茯苓二钱 广皮一钱 半夏一钱 神曲三钱
淡竹茹八分 姜汁一两，小匙冲服

和中化浊汤

泄泻。

和中化浊枳香砂，苍朴青苓乌曲楂，芡苡煨姜荷一角，贪凉泄泻效堪夸。

贪凉受寒，过食生冷，肠胃受伤，以致泄泻。

法宜和中化浊。

茅术一钱 厚朴一钱 茯苓二钱 枳壳一钱
青皮一钱 砂仁一钱 木香五分 乌药一钱 楂炭三钱
神曲三钱 车前二钱 荷叶一角 煨姜三片

化逆汤

霍乱转筋。

化逆汤中用左金，木香藿朴蔻苓青，蒺藜瓜独台乌药，肢冷筋抽吐泻平。

暑月受邪，郁于中焦，上吐下泻，手足厥冷，

筋脉抽掣，急宜化逆。

黄连六分 吴萸三分 厚朴一钱 青皮一钱
藿香一钱五分 木瓜一钱 木香五分 白蔻六分
独活一钱 乌药一钱 茯苓四钱 茯苓二钱

加味茵陈汤

发黄。晋卿

加味茵陈湿热蒸，发黄通苡泻苓青，薄荷茅
术车前朴，一尺荷葶仔细寻。

脾经受湿，胃经受热，郁蒸发黄。

茵陈二钱 木通一钱五分 赤芍三钱 泽泻一
钱五分 苡仁一两 茅术一钱 厚朴一钱 薄荷一
钱 青皮一钱 车前二钱 青荷梗一尺

牡丹皮汤

淋痛。

牡丹皮治小便浊，湿热内移淋痛却，车瞿泻
草苡仁汤，萆薢菱根木通芍。

湿热内蕴，移于下焦，小溲混浊作痛。

丹皮二钱 赤芍一钱 木通一钱 萆薢二钱
花粉二钱 瞿麦二钱 泽泻一钱五分 车前二钱
甘草四分 苡仁一两，煎汤代水

加味三才汤

淋浊。

加味三才淋不疼，体虚夹湿沙丹参，天冬地
泽车前草，柏子萆甘藕苡仁。

体虚夹湿，淋浊不痛。

天冬二钱 生地四钱 沙参四钱 丹参二钱
柏仁二钱 萆薢二钱 泽泻一钱五分 车前二钱
甘草四分

藕三两，苡仁一两，同煎汤代水。

三黄石膏汤《六科准绳》

治三焦热湿火炽盛，与陶氏用麻豉兼解肌
表法不同。

三黄石膏芩柏连，玄草梔知湿火然，不用麻
黄及豆豉，名同实异水相煎。

湿火炽盛。

黄连五分 黄芩一钱 黄柏一钱 石膏三钱
元参一钱 山梔一钱 知母一钱五分 甘草七分
水煎服。

秋 燥

清金保肺汤

肺燥。晋卿

清金梨藕麦天冬，南北沙参斛玉充，杏贝茜
萎苓蛤粉，咳而热甚喘遗红。

肺受燥热，发热咳嗽，甚则喘而失血，法宜
清金保肺。

天冬一钱五分 麦冬一钱五分 南沙参三钱
北沙参三钱 石斛二钱 玉竹三钱 贝母二钱 茜
根二钱 杏仁三钱 萎皮三钱 茯苓二钱 蛤粉三
钱 梨三片 藕五片

润肺降气汤

润肺汤因受燥凉，功兼降气咳无妨，沙参旋
覆苏萎杏，欢郁姜皮共橘桑。

肺受燥凉，咳而微喘，气郁不下。

沙参四钱 萎仁四钱 桑皮二钱 苏子二钱
杏仁三钱 旋覆花一钱，绢包 橘红一钱 郁金二钱
合欢花二钱 鲜姜皮五分

涵木养荣汤

肝燥。

涵木养荣生荣地，枣仁红枣桑枝系，麦味参
芎归芍瓜，瓜干筋缩肝枯治。

肝受燥热则血分枯槁，筋缩爪干，宜涵木养
荣。

生地三钱 熟地三钱 当归二钱 白芍一钱
枣仁一钱五分，炒研 木瓜一钱 秦芎一钱 人参一钱
麦冬一钱五分 五味子五分 红枣一枚 桑枝一尺

女贞汤

肾燥。

女贞汤用膝草前，萆薢归苓斛地龟，淡菜菱
根腰脚健，肾家燥热痛淋痊。

肾受燥热，淋浊溺痛，腰脚无力，久则成为
下消。

女贞子四钱 生地六钱 龟板六钱 当归二钱
茯苓二钱 石斛二钱 花粉二钱 萆薢二钱 牛膝
二钱 车前子二钱 大淡菜三枚

清燥润肠汤

大肠燥。

清燥润肠归二地，麻萎郁李三仁济，斛枳青皮橘饼加，藏阴枯槁肛门秘。

大肠受燥热则藏阴枯槁，肠胃不通，大便秘结，宜清燥润肠。

生地三钱 熟地三钱 当归二钱 麻仁三钱
 萎仁四钱 郁李仁二钱 石斛三钱 枳壳一钱，蜜水炒
 青皮一钱五分，蜜水炒 金橘饼一枚

清燥救肺汤《医宗金鉴》

治诸气贲郁诸痰喘呕。

清燥救肺参草麻，石膏胶杏麦枇杷，经霜收下干桑叶，解郁滋干效可夸。歌本陈氏

桑叶二钱 石膏二钱 甘草一钱 人参七分
 麻仁一钱 阿胶八分 麦冬一钱五分 杏仁七分
 枇杷叶一斤

痰多加贝母、瓜蒌；血枯加生地；热甚加羚羊角。

贲郁，音愤役，气满而奔迫也。素问至真要大论诸气贲郁^①皆属于肺。

① 贲郁：原书无，据上下文补。

火 症

润燥泻肺汤

肺火。晋卿

润燥泻肺玉萎桑，杏贝沙苓麦苡良，梨汁冲加喘满治，肌肤燥痒渴烦忘。

肺火自本经而发者，缘燥气相逼，清肃之令不能下行，故肺气焦满微喘而咳，烦渴欲饮，鼻端微红，肌肤作痒，宜润燥泻肺。

玉竹四钱 萎皮三钱 桑皮三钱 沙参四钱
麦冬二钱 黄芩一钱 贝母二钱 杏仁三钱 苡仁
四钱 梨汁半杯冲服

加味丹栀汤

肝胆火。

加味丹栀地夏枯，通归龙胆芍柴胡，灯心芩苡平肝胆，胁痛耳聋淋浊驱。

肝胆火盛，胁痛耳聋，口苦筋痿，阴痛或淋浊、溺血此汤主之。

此即局方龙胆泻肝汤去黄芩、泽泻，加丹皮、夏枯也，引用灯心，赤实则泻其子之意。

丹皮二钱 山梔一钱五分 赤芍一钱 龙胆草一钱 夏枯草一钱五分 当归一钱五分 生地四钱 柴胡一钱 木通一钱 车前二钱 灯心三尺

附方：龙胆泻肝汤李东垣治肝胆经实火，胁痛耳聋，胆溢口苦，阴肿阴痛，白浊溲血

龙胆泻肝梔苓柴，生地车前泽泻偕，木通甘草当归合，肝经湿热力能排。歌本汪氏

龙胆草一钱 黄芩一钱 山梔仁一钱五分 泽泻一钱五分 木通一钱五分 当归二钱 生地三钱 柴胡一钱 甘草五分 车前子二钱

一方无柴胡、山梔；一方加赤苓或生姜。医宗金鉴治缠腰火丹加连翘，便秘加生大黄。费晋卿曰肝胆火盛，湿热郁蒸者，此方为宜，下部发痒者尤妙。

加味泻黄散

脾火。

加味泻黄粳一撮，梔防膏斛苓甘葛，易饥荷叶脾火清，口燥唇干肌热脱。

脾有伏火，口燥唇干，烦渴易饥，热在肌肉。

防风一钱 葛根二钱 石膏四钱 石斛三钱 山梔一钱五分 茯苓三钱 甘草四分

荷叶一角，粳米一撮。煎汤代水。

玉液煎

胃火。

玉液煎中蔗白茅，地黄石斛麦冬膏，葛根玉竹苏荷桔，胃热牙宣面赤消。

胃火炽盛，烦渴引饮，牙龈腐烂或牙宣出血，面赤发热。

石膏五钱 生地五钱 石斛^①三钱 麦冬二钱
玉竹四钱 葛根二钱 桔梗一钱 苏荷一钱 白茅根八钱 甘蔗汁半杯，冲服

槐子汤

大肠火。

槐子汤医大肠火，二冬橘饼芝麻煮，苏杏麻萎甘枳葳，肛门肿痛人知否。

肺经之火移于大肠，大便便秘或肛门肿痛。

槐米三钱 萎仁三钱 枳壳一钱，蜜水炒 天冬一钱五分 麦冬一钱五分 玉竹三钱 麻仁三钱
苏子三钱 杏仁三钱 甘草四分 金橘饼一枚 白

① 石斛：原书为“石膏”，疑误，应为“石斛”。

芝麻三钱

消风散火汤

风火。

消风散火清上焦，玄茯二冬桔薄翘，蝉蜕桑麻柴蒺子，萎皮竹叶手阴浇。

风助火势，其性上升，面红目赤，口燥咽疼。法当清润上焦使阳邪不能侵犯，兼用轻扬解散之品，俾上升者一举而熄。

天冬一钱五分 麦冬一钱五分 元参二钱 茯
苓二钱 桔梗一钱 柴胡一钱 薄荷一钱 蝉衣一
钱 桑叶一钱 连翘一钱五分 牛蒺子三钱 萎皮
二钱 竹叶十张 黑芝麻三钱

清火涤痰汤

痰火。

清火涤痰柏杏仁，菊蚕麦茯贝丹参，橘红胆沥和姜汁，语乱躁狂顽浊行。

痰为顽浊之物，一得火势，其性愈劣，甚则阳狂烦躁，语言错乱，宜清火涤痰。

丹参二钱 麦冬二钱 茯神二钱 柏仁二钱
贝母二钱 化橘红一钱 胆星五分 僵蚕一钱五分

炒菊花二钱 杏仁三钱 淡竹沥半杯 姜汁一
滴，冲服

雪乳汤

燥火。

雪乳汤中乳一杯，二冬二地藕当归，葳蕤芍
味怀山药，枯燥咽干营血亏。

血能养气则气不妄动，而阴阳得其平，营血
一亏，则内失所养，而藏府皆燥火亦随生，令人
毛发衰脱，肌肤枯槁，身热咽干。

生熟地各三钱 天冬一钱五分 麦冬一钱五分
肥玉竹四钱 五味子五分 当归一钱五分 白芍一
钱 山药三钱 人乳一大杯 藕汁一大杯
水二钟煎服。

解郁合欢汤

郁火。

解郁合欢郁火平，沉香薄芍郁丹参，茯神柏
子柴胡枣，橘饼当归山梔仁。

所欲不遂，郁极火生，心烦虑乱，身热而
躁。

合欢花二钱 郁金二钱 沉香五分 当归二钱

白芍一钱 丹参二钱 柏子仁二钱 山梔一钱五分
柴胡一钱 薄荷一钱 茯神二钱 红枣五枚 橘饼
四个

黄金化毒汤

毒火。

黄金化毒川连薄，粉贝银翘甘菊芍，丹皮竹
叶渴而烦，肿痛痈疡初起作。

痈疡初起，肿痛大热，烦渴引饮。

黄连五分 金银花二钱 赤芍一钱 丹皮二钱
连翘一钱五分 大贝母二钱 花粉二钱 菊花二钱
薄荷一钱 甘草五分 淡竹叶二十片

甘露饮《局方》

治胃中湿热，口舌生疮，吐衄齿血。

甘露二冬二地均，枇杷苓枳斛茵伦，合和甘
草平虚热，口烂龈糜吐衄珍。歌本陈氏。

生地 熟地 天冬 麦冬 石斛 茵陈
黄芩 枳壳 甘草 枇杷叶等分

每服五钱。一方加桂苓名桂苓甘露饮。

又本事方加犀角。

导赤各半汤

《张氏医通》名导赤泻心汤

治热传手少阴神昏。

导赤各半芩连犀，知梔滑麦草参齐，茯神姜枣灯心入，不饮不言如醉痴。

伤寒后，心下不硬，腹中不满，二便如常，身无寒热，渐变神昏不语，或睡中独语，目赤口干，不饮水，与粥则咽，不与勿思，形如醉人，热在上而不在下，病在气而不在血也。

黄连五分 黄芩一钱 犀角五分 知母一钱
山梔一钱五分 滑石三钱 麦冬一钱五分 人参一钱
茯神二钱 甘草五分

加灯心姜枣煎。清包络之热，解肺胃之烦难，无导赤散中药味而功效备。

普济消毒饮

东垣

治大头天行。

普济消毒芩连鼠，玄参甘桔蓝根侣，升柴马勃连翘陈，僵蚕薄荷为末咀，或加人参及大黄，大头天行力能御。歌仍汪氏

邪热客于心肺之间，上攻头面为肿，目不能开，咽喉不利，口渴舌燥。

黄芩一钱 黄连五分 广皮一钱 甘草五分

元参一钱 连翘一钱五分 马勃五分 薄荷一钱
板蓝根三钱 牛蒡二钱 僵蚕一钱五分 升麻五分
柴胡一钱 桔梗一钱

水煎服，便秘加大黄。

人参清肌散《类证普济本事方》人参散

治一切血热虚劳，去黄芩名人参柴胡散即此方。治午前发热，气虚无汗，若入滑石、木通又可治汗出不止。

清肌散治午前热，气虚无汗姜枣觅，四君夏葛芍归柴，汗出不止轩加益。

人参一钱 茯苓二钱 白术一钱 炙草四分
半夏曲二钱 当归一钱五分 赤芍一钱 柴胡一钱
葛根二钱

加姜枣煎。

消斑青黛饮陶节庵

治胃热发斑。

消斑青黛梔连犀，知母玄参生地齐，石膏柴胡人参草，便实参去大黄跻，姜枣煎加一匙醋，阳邪里实此方稽。歌仍汪氏

热邪传里，里实表虚，阳毒发斑。

青黛五分 黄连五分 犀角五分 石膏四钱
 知母一钱 玄参一钱五分 栀子一钱五分 生地四钱
 柴胡一钱 人参一钱 甘草五分

姜枣煎加醋一匙和服。大便实者去人参加大黄。

劳 伤

来苏汤

肾劳。晋卿

来苏茜贝杜牛充，二芍二沙二地冬，沙苑灵磁莲杏子，肾劳咳血此方宗。

真阴久亏，或房室太过，水竭于下，火炎于上，身热腰疼，咽干口燥，甚则咳嗽吐血是为肾劳。

天冬二钱 麦冬二钱 生地三钱 熟地三钱
 南沙参三钱 北沙参三钱 白芍一钱 赤芍一钱
 沙苑三钱 贝母二钱 磁石四钱 杜仲三钱 茜草根二钱
 牛膝二钱 杏仁三钱 莲子十粒，去心

冲和汤

怒伤。

冲和汤治郁火生，胁痛心烦寐不成，酸枣山
 萸归芍茯，苑藜橘饼枣甘参。

怒甚则胁痛，郁极则火生，心烦意躁，筋节
 不利，入夜不寐。

山萸肉二钱 枣仁二钱，炒研 当归二钱 白
 芍一钱五分，酒炒 人参二钱 茯神三钱 甘草五分
 沙苑三钱 蒺藜三钱 红枣五枚 橘饼四钱

萱草忘忧汤

忧伤。

萱草忘忧桂郁金，芍甘夏贝合欢陈，茯神柏
 子忧愁过，沥渐寒热痰不清。

忧愁太过，忽忽不乐，沥渐寒热，痰气不
 清。

桂枝五分 白芍一钱五分 甘草五分 郁金二
 钱 合欢花二钱 广皮一钱 半夏一钱 贝母二钱
 茯神二钱 柏仁二钱 金针菜一两

煎汤代水。

大安汤

惊伤。

大安汤取治惊伤，心悸筋惕龙牡尝，酸枣柏

苓参芍味，地瓜金器压浮阳。

惊则气浮，真阳外越，真阴不守，心悸筋惕。

白芍一钱五分，酒炒 五味子五分 牡蛎四钱，煨
研 龙齿二钱 木瓜一钱，酒炒 枣仁二钱，炒研 地
黄五钱 人参二钱 茯苓二钱 柏仁二钱
金器一具同煎。

酸枣仁汤《金匱》

治虚劳虚烦不得眠及盗汗。

酸枣仁汤出玉函，川芎知母茯苓甘，阴虚脑热难成寐，凉胃疏肝夜不烦。

酸枣仁二升 甘草一两 知母二两 茯苓二两
川芎一两

天真丸《御药院方》

治一切亡血过多，形体消瘦，饮食不进，肠胃滑泄，津液枯竭。

天真丸用天门归，山药苁蓉羊肉煨，白术参芪糯米饭，嘘枯泽槁夺春回。

精羊肉七斤，去筋膜脂皮 肉苁蓉十两 当归十二两 山药十两 天冬一斤，去心焙

上四味为末，安羊肉内，用陈酒四瓶煨，令酒尽加水二升，煨候肉糜烂，再入黄芪末五两，人参末二两，白术末二两，糯米饭为丸如梧子大，每服早晚各服一百丸，温酒送下。

中括方歌医方验诊

脑 漏

桑菊愈风汤

风伤脑。晋卿

桑菊愈风脑漏剂，风伤鼻塞流清涕，芎归杏仁黑芝麻，枳桔蔓荆呼吸利。

贼风侵人，随吸之气上彻于脑，以致鼻窍不通，时流清涕。此风伤之脑漏也。

桑叶三钱 杭菊三钱 当归一钱五分 川贝二钱
蔓荆子一钱五分 桔梗一钱 枳壳一钱 杏仁三钱
川芎八分 黑芝麻一撮

清肝透顶汤

火伤脑。

清肝透顶鼻流黄，外铄内燔脑部伤，丹桔蝉羚陈橄榄，夏枯玄决薄荷桑。

阳邪外铄，肝火内燔，鼻窍半通时流黄水，此火伤之脑漏也。

羚羊角一钱五分 夏枯草二钱 石决明八钱
粉丹皮一钱五分 玄参一钱 桔梗一钱 蝉衣一钱
五分 薄荷一钱 桑叶二钱 陈橄榄二枚

通阳圣化汤

寒伤脑。

通阳圣化寒伤脑，鼻塞涕流冬月保，羌芷辛夷芎附归，天麻白术姜红枣。

冬月邪寒，感冒重阴，寒气侵脑，鼻窍不通，时流泪涕，此寒伤之脑漏也。

当归二钱 川芎一钱 香附二钱 白术一钱五分
羌活一钱 白芷五分，酒蒸 辛夷一钱，切 天麻六分 红枣五枚 姜三片

鼻 衄

豨龙汤

豨龙膝薄羚羊牡，丹麦沙参荆贝母，石斛夏枯茜藕茅，衄由肺窍清肝火。

肝火蕴结，骤犯肺穴，逼血上行而从鼻出。

医用犀角地黄汤多心肾之药以治肝肺，宜其格不相入，是以百无一效，弊在拘执古方不明经络也。此方专治鼻衄，无不应手。

羚羊角一钱五分 牡蛎四钱 石斛三钱 南沙参四钱 麦冬一钱五分，青黛少许拌 川贝二钱，去心研 夏枯草一钱五分 丹皮一钱五分 黑荆芥一钱 薄荷炭一钱 茜草根二钱 牛膝二钱 白茅根五钱 藕五大片

附方：

鼻衄不止，用河蚌肉、侧柏叶同捣烂，调涂额上，甚则用凉水喷心，即止，屡试屡效。轩

又方：

羚羊角五分 石膏六钱 石斛三钱 生地八钱 煎服。

齿 血

苍玉潜龙汤

齿牙出血。

苍玉潜龙斛藕茅，龟龙羚羊地黄膏，沙丹白芨天花粉，阳亢阴虚齿血饶。

胃火炽甚，肉不附骨，血热上涌，故牙宣出

血。其牙不宣而出血者，乃阴虚阳亢龙雷之火冲激胃经所致，多则血流盈盞，昼夜十余次，面红目赤，烦扰不安，多服此方乃愈。

龟板六钱 生地四钱 沙参四钱 石膏三钱
石斛三钱 龙齿二钱 花粉二钱 丹皮一钱五分
白芍一钱五分 羚羊角一钱五分 藕三两 茅根五钱

关 格

归桂化逆汤

关格。

归桂化逆芍苓青，玫瑰蒺藜欢郁金，木降二香牛膝枣，疏肝理气胃和平。

肝气犯胃，食入作吐，宜于调养营卫之中，解郁和中，平肝理气。

当归二钱 白芍一钱五分，酒炒 肉桂五分 青皮一钱 茯苓二钱 蒺藜四钱 郁金二钱 合欢花二钱 木香五分 牛膝二钱 玫瑰花五分 红枣五枚 降香五分

资液救焚汤_{程氏}

治五志厥阳之火。

资液救焚紫石英，寒水滑石柏麻仁，姜犀二汁阿胶地，生脉散与炙甘行。

鲜生地二钱，取汁 麦冬二钱，取汁 人参一钱五分，人乳拌蒸 炙甘草一钱 阿胶一钱 胡麻仁一钱，炒研 柏子仁七分，炒 五味子四分 紫石英一钱 寒水石一钱 生犀汁磨，二分 滑石一钱二分，敲碎不为末 生姜汁二茶匙

除四汁及阿胶共八味，用名山泉水四钟，缓火煮至一杯半，去滓入四汁及阿胶，再缓火略煎至胶烊化斟出，调牛黄末五厘，日中分二三次热服，空朝先服附桂八味丸三钱。

附方：胡桃肉汤

胡桃过口肾肝伤，食胀贲门土不强，姜夏茯苓牛膝草，金铃归桂芍沉香。

肝肾两亏，脾土失运，纳食则胀，甚则脘痛至脐，久恐上为关格，下为便艰，衰年难愈，善调庶几有瘳。

当归三钱 官桂一钱 茯苓三钱 甘草五分 半夏一钱五分 牛膝三钱 川楝子二钱 白芍三钱 沉香一钱 吴萸一钱 生姜一片 胡桃肉三钱，过口

咳 嗽

姜桂二陈汤

肺寒而咳畏寒多注。晋卿

姜桂二陈苏杏入，苡以葶苈当归术，腕闷须
将甘草除，水邪射肺寒而咳。

水邪射肺，水冷金寒，咳吐痰沫，胸腕作闷，
肌肤慄冽。

炮姜五分 桂枝五分 橘红一钱 半夏一钱
葶苈子二钱 当归一钱五分 茯苓二钱 白术一钱
苏子一钱五分 杏仁三钱 苡仁一两，煎汤代水

保肺济生丹

肺虚而咳，火升失血。

济生五味沙人参，玉竹二冬杏茜根，贝母贞
苓山药藕，咽疼失血肺虚寻。

肺虚而咳，肌表微热，神倦气短，不时火升，
失血咽痛。

天冬一钱五分 麦冬一钱五分 人参一钱 沙
参四钱 五味子五分 玉竹三钱 女贞子二钱 茯
苓二钱 山药三钱 贝母二钱 茜草根二钱 杏仁

三钱 藕三两,切片煎汤代水

降气和中汤

肺实而咳,痰稠喘满。

降气和中医肺实,痰稠喘满生姜汁,夏贝苏
萎芥杏莱,沉香浮石桑皮橘。

肺实而咳,胸膈喘满,时吐稠痰,宜降气和中。

苏子一钱五分 沉香五分 海浮石三钱 萎仁
四钱 莱菔二钱 芥子一钱 橘红一钱 半夏一钱
桑皮二钱 贝母二钱 杏仁三钱 姜汁两小匙,冲服

金牛汤

塞金不鸣。

金牛苏杏芥麻黄,萎贝沉香橘夏桑,枇杷蜜
炙音难出,金塞不鸣痰喘尝。

肺实而咳,胸膈喘满,时吐稠痰,甚者痰气
闭结,语音不出,此为塞金不鸣。

郁金二钱 牛蒡三钱,炒研 陈麻黄四分,蜜水炙
萎仁三钱 苏子一钱五分 白芥子一钱 沉香五分
贝母二钱 杏仁三钱 橘红一钱 半夏一钱 桑皮
二钱 枇杷叶两张,刷毛蜜炙

玄妙散

心咳，痰少不寐。

玄妙咳由手少阴，心烦不寐竹灯薪，沙玄桔
贝丹参麦，夜合茯神柏杏仁。

心经之咳，痰少心烦，夜不成寐。

玄参一钱五分 丹参三钱 沙参四钱 茯神二
钱 柏仁二钱 桔梗一钱 麦冬一钱五分，朱砂拌
贝母二钱 杏仁三钱 夜合花二钱 淡竹叶十张
灯薪三尺

丹青饮

肝咳，胁痛头眩。

丹青饮用赭旋覆，桑菊苑蒺沙斛麦，杏贝橘
红怒易生，咳而胁痛头昏服。

肝经之咳，痰少胁痛，易怒头眩。

赭石三钱 麦冬一钱五分，青黛拌 杭菊二钱
石斛三钱 蒺藜三钱 沙苑三钱 沙参四钱 桑叶
一钱 橘红一钱 贝母二钱 杏仁三钱 旋覆花一
钱，绢包

山虎汤

肾咳，痰咸花黑。

山虎痰咸肾咳呛，参苓故纸人乳姜，蛤蚧杏仁山药贝，麦冬生地与沉香。

肾经之咳，或呛，或喘，痰味碱而有黑花。

蛤蚧尾一对，酒洗 生地六钱，切片，蛤粉炒 沉香五分 破故纸一钱五分，合核桃仁拌炒 人参二钱 沙参四钱 茯苓二钱 山药三钱 贝母二钱 杏仁三钱 麦冬一钱五分 人乳半杯 姜汁两滴，同冲服

回风养脏汤

大肠咳，咳而遗矢。

回风养藏贝沙参，枳术桑前茯苡仁，橘红苏子兼荷蒂，培土清金风不生。

风阳外铄，肺热移于大肠，更兼风入空窍，咳而遗矢，当培土化热，兼以息风为治。

沙参四钱 苏子一钱五分 枳壳一钱 前胡一钱 桑叶一钱 茯苓二钱 白术一钱 苡仁四钱 橘红一钱 贝母二钱 荷叶蒂一枚

洁宫汤

小肠咳，咳而失气。

洁宫姜远茯神沙，贝夏归陈术麦砂，下焦失气小肠咳，移自心经治勿差。

心咳不已，则小肠受之，小肠下口接大肠之上口，小肠化则大肠通，小肠咳则气达于大肠，故下焦之浊气不时宣泄也。

沙参四钱 茯神二钱 远志五分，甘草水炒 归身二钱 麦冬二钱 贝母二钱 橘红一钱 半夏一钱 白术一钱 砂仁一钱 姜三片

通理汤

三焦咳，久而面浮。

通理三焦肺胃戕，面浮气逆咳延长，归苓枳术姜砂朴，夏苡青陈苏子桑。

久咳则三焦俱病，聚于胃关，于肺，咳而腹满，不欲饮食，多涕吐而面浮肿，气逆宜通，理法治之。

当归二钱 茯苓二钱 白术一钱 苡仁四钱 枳壳一钱 橘红一钱 半夏一钱 厚朴一钱 苏子一钱五分 桑皮二钱 砂仁一钱 青皮一钱 姜三片

补肺阿胶散^{钱氏}

治肺虚有火，咳无津液而气哽者。

补肺阿胶马兜铃，鼠粘甘草杏糯停，肺虚火盛人当服，顺气生津嗽哽宁。^{歌仍汪氏}

阿胶一两五钱 马兜铃一两 甘草一两 牛蒡子一两 杏仁七钱 糯米一两
水煎分温服。

痰 饮

神芎导水丸 刘河间

治一切热痰郁结。

神芎导水芩连丑，大黄滑石苏荷偶，每服无过三十丸，一切风痰积热走。

黄芩一两 黄连五钱 川芎五钱 薄荷五钱
大黄一两 滑石四两 黑丑二两

研末蜜丸如梧子大，每服十丸至三十丸。

附注：

凡老弱虚人，脾胃经虚，风热遏郁，色黑齿槁，身瘦萎黄，或服甘热过度成三消等病，以及肢体躁扰，神志怫郁者均宜之。惟脏腑滑泄，或里寒脉迟，或妇人经病，妊娠产后，血下不止者均忌之。

又：

治心经积热，风痰壅滞，头目昏眩赤肿，口舌生疮，牙齿疳蚀，或遍身疮疥，咽膈不

利，惊惕怔忡，烦躁多渴，或二利^①闭涩，或积热腹满，惊风潮搐，或水肿外内俱实，及热证久病热郁，常服除肠胃积滞。止血加蒲黄；湿热腰肋肿满加甘遂一两；遍身走注疼痛加白芥子一两；久毒热肿腹痛加芒硝一两；关节不利加羌活一两；肠胃结滞加郁李仁一两；腰腿沉重加商陆一两；妇人血病下恶物加肉桂五钱。

清气化痰丸_{验方}

治热痰。

清气化痰星夏橘，杏仁枳实苦菱实，苓苓姜汁为糊丸，气顺火消痰自失。歌仍汪氏

半夏_{姜制} 胆星各一两五钱 橘红 枳实_{麸炒}
杏仁_{去皮尖} 菱仁_{去油} 黄芩_{酒炒} 茯苓各一两
淡姜汁和丸，每服三钱。

半夏天麻白术汤_{东垣}

治风痰昏眩，头痛如裂，四肢厥冷。

半夏天麻白术汤，参芪橘柏及干姜，苓泻麦

① 二利：疑误，应作“二便”。

芽苍术曲，太阴痰厥头痛良。歌仍汪氏

半夏一钱 麦芽三钱 神曲三钱 白术一钱
 苍术一钱 人参一钱 黄芪二钱 陈皮一钱 茯苓
 二钱 泽泻一钱五分 天麻六分 干姜三分 黄柏
 五分

研末，每用五钱煎服。

代赭旋覆汤^{仲景}

用治痞硬噎气，用治风痰入肺久经吼咳者
 屡效，胜鹅梨散。轩

代赭旋覆用人参，半夏甘姜大枣临，重以镇
 逆咸软痞，痞硬噎气力能禁。歌仍汪氏

赭石一两 人参二两 旋覆三两 甘草三两
 半夏半斤 生姜五两 枣十二枚

肺 痛

三子养亲汤^{韩恂}

治老人气实痰盛，喘满懒食。

苏子行气，芥子除痰，莱菔子消食，各微炒
 研煎服。

葶茎汤《千金》

治肺痈。

葶茎二升，先煮 苡仁五合，炒 丝瓜瓣五合

桃仁去皮尖，炒研，五十粒

再服当吐脓，则药力行而痈溃。

用上二方合治肺气壅塞致成肺痈，咳吐脓气甚腥秽者屡效，胜石花汤。轩

三子养亲苏芥菴，葶茎桃苡仁瓜服，咳吐如脓气甚秽，肺家痈溃能痊愈。轩

结 胸

祛寒平胃散

寒邪结胸。晋卿

祛寒平胃草须芩，归郁香砂佛手柑，佩兰白茯苓姜炭，胸痞因塞^①体倦参。

寒气遏抑则胃阳不通，故中脘痞满、四肢倦怠。

炮姜五分 广皮一钱 茅术一钱 厚朴一钱
佩兰一钱 归身一钱五分 茯苓二钱 木香五分

① 塞：疑误，应为寒。

砂仁一钱 郁金二钱 佛手柑五分

梔子解郁汤

风热结胸。

梔子解郁郁梔投，苏梗连翘葛豉萎，淡竹茅根薄荷叶，心烦脘闷热当求。

风热内郁则胸脘烦闷、心神焦躁。

黑山梔二钱 瓜蒌果一个切 连翘二钱 薄荷一钱 葛根二钱 苏梗一钱五分 豆豉三钱 郁金二钱 淡竹叶二十张 白茅根五钱

竹沥涤痰汤

痰气结胸。

竹沥涤痰姜汁桑，决明天竺贝羚羊，杏仁全福瓜蒌果，火盛痰壅气结殃。

痰随火升壅于中脘。

川贝母二钱 天竺黄六分 羚羊角一钱五分 炙桑皮二钱 瓜蒌仁四钱 石决明八钱 杏仁三钱 全福花一钱绢包

淡竹沥半杯、姜汁两滴同冲服。

痺 疰

玉露散

痺疰。

玉露散医热不寒，证名痺疰斛梨山，茯苓杏仁沙参麦，玉竹萎根肌铄餐。

肺素有热，肠气盛而不衰，故但热而不寒，令人消铄脱肉，名曰痺疰。

肥玉竹四钱 花粉二钱 沙参四钱 麦冬二钱
石斛三钱 贝母二钱 杏仁三钱 茯苓二钱 山药
三钱 梨三十片

清脾饮^{严氏}

治疰疾，热多寒少，口苦嗌干，小便赤涩，脉来弦数。

青皮 厚朴 炒柴胡 黄芩 半夏^制 甘草^炙 茯苓 白术 草果^煨 生姜

疰不止，加酒炒常山一钱，乌梅一两；大渴加麦冬、知母。

附注：

清营分之热邪，使仍从卫出，而脾部为之

一清。

黄 瘴

导黄汤

阳黄。

导黄火盛发阳黄，湿热熏蒸燥渴将，草粉栀
翘通葛茯，车前茵泽苡仁汤。

面目发黄，口燥而渴，小便赤涩，胃火炽盛，
泾热熏蒸，是为阳黄。

葛根一钱 花粉二钱 山栀一钱五分 连翘一
钱五分 木通一钱 茵陈三钱 草薢二钱 茯苓二
钱 泽泻一钱五分 车前二钱 苡仁一两，煎汤代水

茵陈玉露饮

酒瘴。

茵陈玉露二陈施，草去拈来斛玉栀，花粉葛
根草薢薏，酒劳成瘴面如黧。

居恒嗜饮，湿火熏蒸，面目发黄，甚则黑，心
中嘈杂，虽食甘芳如啖酸辣，小便赤涩是为酒
瘴。

茵陈三钱 玉竹三钱 石斛三钱 花粉二钱

葛根二钱 山梔一钱五分 广皮一钱 半夏一钱
茯苓二钱 草薢二钱 苡仁一两,煎汤代水

除 中

祛烦养胃汤

中消。

祛烦养胃斛沙参,花粉石膏玉竹苓,夏陈麦
冬山药蔗,中消痰火此方珍。

痰入胃中,与火相乘,为力更猛,食入即腐,
易于消铄,经所谓除中,言常虚而不能满也。宜
清阳明之热,润燥化痰。

鲜石斛五钱 熟石膏四钱 天花粉三钱 南
沙参四钱 大麦冬二钱 玉竹四钱 山药三钱 茯
苓三钱 广皮一钱 半夏一钱五分 甘蔗三两,煎汤
代水

痿 症

玉华煎

气痿。

玉华煎治足无力,肺气空虚麦味膝,葳蕤薯

断术参苓，元米煎汤救痿臂。

肺阴伤则元气薄弱而不能下行，故足膝无力而不能任地，是为气痿。

玉竹四钱 五味一钱 麦冬三钱 沙参四钱
党参四钱 茯苓一钱 白术一钱 山药三钱 川断
二钱 牛膝二钱 元米一撮，煎汤代水

调荣通脉汤

脉痿。

调荣通脉党丹参，天地归连断茯神，白术柏仁桑膝枣，下虚上实脉痿珍。

心阳上亢，在下之脉亦厥逆而上，上愈实则下愈虚，故为脉痿，关节之处如枢纽之抑而不可提挈，足胫纵缓皆脉不通而懈弛也。

天冬二钱 生地五钱 丹参三钱 柏仁二钱
当参四钱 茯神二钱 白术一钱 黄连四分，酒炒
当归二钱 川断二钱 牛膝二钱 红枣十枚 桑皮
一尺

水木华滋汤

筋痿。

水木华滋筋膜干，拘挛口苦芍归丹，牛羊梔

地瓜参茯，人乳桑枝术断咸。

肝胆相连，肝热则胆亦热，胆汁内沸故发为口苦，血为火劫，不能养筋，筋急而挛故为筋痿。

生地五钱 当归二钱 白芍一钱五分 丹皮二钱
山梔一钱五分 羚羊一钱五分 木瓜一钱，酒炒
党参四钱 茯苓二钱 白术一钱 川断二钱 牛膝二钱
人乳一杯 桑枝一尺

痹 症

温经养荣汤

风痹。

温经养荣甜瓜子，芫桂香归姜枣杞，瓜桑芍断二地黄，独活鹿筋风痹理。

血不荣筋，风入节络，木燥筋挛，先用大剂补血去风，后即加入参苓白术以补气分营卫平调，方无偏胜之患。

生地三钱，切片，红花炒 熟地三钱，切片，砂仁炒
鹿筋五钱，切片 木瓜一钱，酒炒 川断二钱 枸杞三钱
当归二钱 白芍一钱五分，酒炒 独活一钱，酒炒
桂枝五分 秦艽一钱 木香五分 甜瓜子三钱，炒，研
红枣十枚 姜三片 桑枝一尺

可与后方参用。轩

龙火汤

痛痹。

龙火蚕砂鹿角霜，苁蓉独断桂归香，参苓术芍姜红枣，气血平调痛痹良。

营卫受寒，不通而痛，宜调养气血，温通经络。

肉苁蓉三钱 肉桂五分 党参四钱 茯苓二钱
白术一钱 归身二钱，酒炒 白芍一钱，酒炒 木香五
分 川断二钱 独活一钱，酒炒 鹿角霜四钱 蚕
砂三钱 红枣十枚 姜三片

立极汤

着痹。

立极参苓独附收，苡仁二术杜归牛，枣姜故纸和川断，燥湿强脾着痹瘳。

湿气胜者重着难移，湿从土化，病在肌肉不在筋骨，所谓腰间如带五千钱者是也，当补土燥湿。

党参四钱 附子六分 当归二钱 茯苓三钱
白术一钱 茅术一钱 破故纸一钱五分 杜仲二钱

川断二钱 独活一钱 牛膝二钱 红枣五枚 姜三片
苡仁一两，煎汤代水

桑朴汤

肺痹。

桑朴二陈草不题，苏沉杏贝郁蒺皮，生姜佛手平烦呕，肺胃俱伤喘满宜。

肺气受邪，从胃而上，清肃之令不能下行，故烦满而喘，其作呕，则胃亦受邪，水谷之气不安也。

桑皮二钱 厚朴一钱 橘红一钱 半夏一钱
茯苓二钱 沉香五分 苏子一钱五分 杏仁三钱
蒺皮二钱 贝母二钱 郁金二钱 佛手五分 姜三片

三灵汤

肝痹。

三灵汤治肝脾胃，渴胀夏青瓜子善，逍遥除却薄姜甘，齿决葛根羚角荐。

肝火上升犯胃，故胃热而渴，肝气下行克脾，故脾弱而胀，宜养血疏肝兼调脾胃。

当归二钱 白芍一钱 羚羊角一钱五分 龙骨

二钱 石决明六钱 半夏曲三钱 柴胡一钱 葛根
二钱 茯神二钱 白术一钱 青皮一钱 冬瓜子三
钱,煎汤代水

安贞汤

脾痹。

安贞汤内用四君,草去姜归砂朴增,桑夏陈
椽苏杏子,塞而咳呕令难行。

脾病故四肢懈惰,土败则金衰故发咳,脾病
则胃亦病故呕汁,地气上升天气不降乾金之令
不行,故上为大塞。

党参四钱 炮姜六分 当归二钱 半夏一钱
茯苓三钱 白术一钱 厚朴一钱 砂仁一钱 桑皮
二分 杏仁三钱 苏子一钱五分 陈香椽皮六分

利济汤

胞痹。

利济汤名治胞痹,清涕上流小便秘,归芍青
陈枳泽苓,沉香牛膝车小蓟。

热结膀胱,水液满而不出,故少腹内痛,若
沃以汤涩于小便,足太阳之脉从巅络脑气闭,故
上流清涕。

泽泻一钱五分 沉香五分 枳壳一钱 青皮一钱
 赤苓二钱 当归二钱 赤芍一钱 广皮一钱
 牛膝二钱 车前二钱 小茴根五钱

栝蒌薤白半夏汤

《金匮》治胸痹不得卧，心痛彻背。

瓜蒌果一枚 薤白三两 半夏三两
 白酒四升同煮，取一升半分温服。

吴茱萸散

《证治准绳》汤，肠痹寒湿内搏，腹痛气急，
 大便飧泄。

吴茱萸散草干姜，蔻朴砂陈曲术良，痛而飧
 泄为肠痹，研末和调米饮尝。

吴茱萸五钱 干姜五钱 甘草五钱 砂仁一两
 炒神曲一两 肉豆蔻五钱 白术一两 厚朴一两
 陈皮一两 良姜五钱

研末，每服一钱，食前米饮下。

羌活汤

治皮痹。皮中状如虫行，腹胁胀满，大肠不
 利，语不出声。

羌活汤中加味辛，参苓术附杏丹参，桂麻白
蒺通槟地，郁枳菖姜萆薜羚。

羌活 细辛 附子 沙参 羚羊角 白术
生地 官桂 枳壳 五加皮 麻黄 杏仁 丹
参 萆薜 白蒺藜 五味 菖蒲 木通 槟榔
郁李仁 赤苓各等分 生姜五片

水煎分温服。

升麻汤

刘河间治热痹，肌肉极热，体上如鼠走，唇
口反缩，皮毛变红黑。

升麻参茯羌防桂，犀羚竹沥姜三片，或将地
斛易犀羚，体如鼠走肌热痹。

升麻一钱 人参一钱 茯神二钱 犀角一钱
羚羊角一钱 官桂三分 防风五分 羌活五分 生
姜三片 竹沥半杯

犀角散

治神情恍惚，恐畏闷乱不得睡，及语言错
乱，是为心痹。

犀角羚羊天竺黄，天麻升麻麦麝香，沙丹参
共人参茯，齿独冰牛草远防。

犀角一钱 羚羊角一钱 人参二钱 沙参三钱
 防风一钱 天麻一钱 天竺黄一钱 茯神二钱 升
 麻一钱 独活一钱 远志一钱 麦冬一钱三分 甘
 草一钱 龙齿一钱 丹参一钱 牛黄一分 麝香一
 分 冰片一分

研末，每服一钱五分，麦冬汤调服。

肿 胀

离照汤

心胀。伯雄

离照心烦卧不安，阴阳相战茯神丹，朱沉
 琥珀青陈郁，柏子姜皮灯草参。

心本纯阳，寒邪来犯，阴阳相战，故烦满短气
 而卧不安也。治须发其神明，摧荡邪气，使浮云
 不能蔽日，自然离照当空太阳之火不烦补助也。

琥珀一钱 丹参三钱 朱砂五分 茯神三钱
 柏仁二钱 沉香五分 广皮一钱 青皮一钱 郁金
 二钱 灯心三尺 姜皮五分

温肺桂枝汤

肺胀。

温肺桂皮归化橘，桑皮萎果生姜汁，茯苓苏子夏沉香，气逆寒壅虚胀咳。

肺为主气之脏，居于至高，寒气逆上，肺气壅寒，清肃之令不能下行，故虚满而喘咳，当温肺降气以解寒邪。

桂枝五分 当归二钱 茯苓二钱 沉香五分
苏子一钱五分 橘红一钱 半夏一钱二分 瓜蒌果
四钱 桑皮二钱
姜汁两小匙冲服。

青阳汤

肝胀。

青阳化浊延柴胡，青广二皮白蒺乌，姜郁木香椒甘四，胁连小腹胀疼舒。

肝为将军之官，气血皆盛，但木喜条达，寒气上逆，则两气相积而肝木怒张胁下肝之本位，痛引小腹则壅极而决矣，当疏肝化浊。

青皮一钱五分，醋炒 柴胡一钱，醋炒 蒺藜四钱
乌药一钱 炮姜五分 广皮一钱 延胡一钱，酒炒
木香五分 郁金二钱 花椒子二十四粒，打碎

姜术二仁汤

脾胀。

姜术二仁汤苡砂，香归陈夏朴苓芽，体疲善
啾为脾胀，扶土祛寒渗湿佳。

脾为湿土而主四肢，寒气乘之，则土德衰而
真阳不运，故善啾而肢体疲重，夜卧不安也。当
扶土渗湿，兼解寒邪。

炮姜五分 白术二钱 茯苓三钱 半夏一钱
当归二钱 苡仁八钱，炒 砂仁一钱 厚朴一钱
木香五分 广皮一钱 生熟谷芽各四钱，煎汤代水

温泉汤

肾胀。

温泉腰痛下元虚，肾脏寒凝附子须，乌药青
陈牛故纸，姜归杜木小茴俱。

肾本属水，寒乘之水，寒则成水，气益坚凝，
坎中之真阳不能外达，故腹满引背，时形困苦，
腰髀痛则下元虚寒，营血不能流灌也。当温肾
祛寒。

当归二钱 附子八分 小茴香一钱 破故纸
一钱五分，胡桃肉拌炒 乌药一钱 杜仲三钱 牛膝二
钱 木香五分 广皮一钱 青皮一钱 生姜三片

通幽化浊汤

小腹胀。

通幽化浊枳萏仁，乌药车前通朴青，广木谷芽姜赤茯，小腹胀在便通行。

小肠为受盛之官，居胃之下，受盛水谷而分清浊，水液渗于前，糟粕归于后，寒气上逆则化物不出，故少腹臌胀引腰而痛也。当分理水道，俾二便通行则胀满自解。

枳壳一钱五分 青皮一钱五分 木通一钱五分，
 酒炒 车前子二钱 赤苓二钱 萏仁三钱 厚朴一
 钱 木香五分 乌药一钱 谷芽三钱 炒姜三大片

既济汤

膀胱胀。

既济膀胱气不通，车前牛膝苡仁攻，广皮瞿麦葵花子，归桂沉香泽泻从。

膀胱主藏津液，气化则出，寒气上逆则水气窒塞不通，故少腹满而小便癃也。当理气行水俾寒水得真阳而通利。

当归二钱 肉桂五分 沉香五分 广皮一钱
 泽泻一钱五分 牛膝二钱 瞿麦二钱 车前二钱
 苡仁四钱 葵花子四钱，炒，研，同煎

附方：

尝外用蠹鱼、豆豉、肉桂、麝香、炒盐姜葱和捣成饼，贴脐治小便癃神效。轩

金匱防己黄芪汤

治水肿。

防己一两 黄芪一两 白术三两 甘草五钱
枣一枚，姜七片水煎分温服。

实脾散

虚寒阴水，便利不渴而肿胀。严氏

实脾苓术与木瓜，甘草木香大腹加，草薷附姜兼厚朴，虚寒阴水效堪佳。歌仍汪氏

症见色悴声短，乃脾肾虚寒，若徒事破气利湿，益加憔悴，宜用香砂六君合温肾渗湿之剂。

厚朴一两 白术一两 木瓜一两 大腹皮一两
附子一两 木香一两 草果一两 茯苓一两 甘草五钱

每用四钱水煎服。

舟车丸

燥实除水。口渴面赤，气粗便秘而肿胀

者。河间

舟车牵牛及大黄，遂戟芫花又木香，青皮橘皮加轻粉，燥实阳水却相当^{歌仍汪氏}。水肿水胀，形气俱实。

黑牵牛一两 芫花一两 青皮一两 大黄二两，酒浸 甘遂一两 煨大戟一两 橘红一两 木香五钱 轻粉一钱

水泛丸，每服三十粒。

下 利

回风外解汤

盛风下利。^{伯雄}

回风外解鲜荷叶，葛豉柴前陈枳桔，苏荷术茯苓生姜皮，感风下利身偏热。

感风下利，肝脏受邪，身热脉微弦，宜表解之。

柴胡一钱 薄荷一钱 前胡一钱 桔梗一钱
枳壳一钱 葛根二钱 豆豉三钱 广皮一钱 茯苓二钱
白术一钱 姜皮六分 荷叶一角

温中化浊汤

寒利。

温中化浊乌茴姜，术朴陈苓广木香，佛手当归寒下利，脉沉加附总回阳。

感寒下利，肾藏受邪，腹痛肢冷，舌白口不渴，脉按沉细。

炮姜五分 小茴香一钱 乌药一钱 木香五分
广皮一钱 厚朴一钱 当归一钱五分 茯苓二钱
白术一钱 佛手柑五分
甚者加附子。

消炎化毒汤

火利。

消炎化毒大黄投，渴利腹疼脓血稠，苓芍归连通粉草，银花淡竹青皮求。

火盛下利，心脏受邪，昼夜不休，渴饮腹痛，时下脓血。

黄连六分 黄芩一钱 大黄四钱 银花二钱
甘草五分 花粉二钱 木通一钱 青皮一钱 当归
一钱五分 赤芍一钱 淡竹叶二十张

大顺汤

肝郁下利。

汤名大顺蒺煨姜，枳朴青陈乌郁香，橘饼术

苓肝郁利，胁连腹痛保平康。

肝郁下利，胁痛腹痛，噫气食少。

蒺藜四钱 郁金二钱 乌药一钱 广木香
五分 广皮一钱 川厚朴一钱 枳壳一钱 小青
皮一钱 茯苓二钱 白术一钱 橘饼四钱 煨姜
三片

育金煎

白滞。

育金莲子并沙参，薯马归陈斛术苓，气液大
伤成白滞，口中燥渴咳微闻。

肺热移于大肠，口燥微咳，下利白滞。

沙参三钱 石斛三钱 茯苓三钱 白术一钱五
分 山药三钱 料豆三钱 当归二钱 橘红一钱
莲子二十粒，打碎去心

仓廩汤《补遗方》

即人参败毒散去薄荷加陈仓米各等分，每
服五钱，姜三片水煎服。

治噤口痢，有热毒气冲心，食入即吐，上方
及此皆痢疾善后妙法。

槐花散张洁古

治肠风血痢。

槐花 青皮 荆芥穗等分
研末，每用五钱水煎服。

香连丸局方

治下利赤白，里急后重。

黄连二十粒，吴茱十五，炒赤去之 木香四两八钱八分
研末，醋糊丸如梧子大，每服三十丸。

生地黄汤证治准绳方

治热痢不止。

生地五钱 地榆七钱五分 甘草二钱五分
水煎服。

痛 症

香芷汤

风邪头痛。晋卿

香芷汤中归蔓芎，黑芝麻与桔防风，蝉衣桑菊流清涕，鼻塞头疼肌表松。

肌表不固，太阳受风，巅顶作痛，鼻窍微塞

时流清涕。

香附二钱 白芷六分 当归一钱五分 川芎八分
防风一钱 桑叶一钱 菊花二钱 蝉衣一钱
蔓荆子一钱五分 桔梗一钱 黑芝麻三钱

羚羊角汤

风火头痛。

羚羊角汤痛如劈，壮水柔肝风火息，夏枯龟板决丹蝉，地芍菊荷柴枣协。

肝阳上升，头痛如劈，筋脉掣起，痛连目珠，当壮水柔肝以息风火。

羚羊角二钱 龟板八钱 生地六钱 白芍一钱
丹皮一钱五分 柴胡一钱 薄荷一钱 菊花二钱
夏枯草一钱五分 蝉衣一钱 红枣十枚 生石决八钱，打碎

羚羊角可改用石斛。

养血胜风汤

血虚头痛。

养血胜风头脑空，血虚眊眩芍归芎，柏仁地味酸红枣，桑叶黑芝麻菊花。

血虚头痛，自觉脑空，目眊而眩，宜养血

胜风。

生地六钱 当归二钱 白芍一钱五分 川芎一钱
 钱 枸杞三钱 五味子五分 酸枣仁一钱五分 柏
 子仁二钱 杭菊二钱 桑叶一钱 红枣十枚 黑芝
 麻三钱

黄连清火汤

风火眼痛。

黄连清火净蝉衣，赤芍玄参归尾皮，前贝荆
 防桑竹叶，芝麻灯草菊花齐。

目睛红肿，眵泪多而目中如有沙子者，火盛也。

黄连五分 元参一钱五分 归尾一钱五分 赤
 芍一钱 丹皮一钱五分 贝母二钱 荆芥一钱 防
 风一钱 桑叶一钱 蝉衣一钱 前胡一钱 菊花二
 钱 竹叶十张 灯心三尺 黑芝麻三钱

滋阴降火汤

虚火眼痛。

滋阴降火贝沙参，杏贞^①丹苓地决明，山药

① 原书无“贞”，据下文补。

麦冬蝉料豆，精珠珠痛眼科珍。

目睛不肿，微红羞明，眼珠作痛，此为阴虚夹火，法宜滋降。

生地六钱 女贞子二钱 山药三钱 丹皮二钱
茯苓二钱 料豆三钱 沙参四钱 麦冬二钱 贝母
二钱 杏仁三钱 谷精珠一钱五分 蝉衣一钱 生
石决六钱，打碎

清热胃关煎

齿痛。

清热胃关甘蔗煎，薄荷石斛地黄鲜，龟板菱
根翘葛桔，齿牙虚痛肾阴亏。

齿属于肾，肾为胃关，肾亏而夹有胃火，水
不能制故浮阳作痛。

生地六钱 龟板八钱 花粉三钱 石斛三钱
薄荷一钱 葛根二钱 连翘一钱五分 桔梗一钱
甘蔗三两

同煎。

清心饮

舌痛肿胀。

清心舌卷痛难言，犀角蒲黄灯草连，参用丹

玄翘薄茯，萎皮竹叶数流涎。

舌卷而肿，塞口作痛，难于语言，此心阳炽盛也。先用生蒲黄三钱泡汤频漱，再服清心饮。

川雅连五分 蒲黄一钱五分 犀角五分 元参一钱五分 丹参二钱 连翘一钱五分 萎皮三钱 茯苓二钱 薄荷一钱 竹叶二十根 灯心三尺

甚则舌赤，伸出口外，用青布蘸薄荷水沫之即缩，但涎沫不止须旬月乃愈。轩

大泽汤

舌痛绛红。

大泽滋阴天气人，茯神蛤粉藕丹参，柏仁斛麦灯龟板，舌绛边尖破碎疼。

舌色绛红，边尖破碎，舌有血痕而痛者，乃阴液大亏，心火上炽也。

天冬二钱 生地六钱 人参一钱五分 龟板八钱 大麦冬一钱五分 茯神二钱 柏子仁二钱 蛤粉四钱 丹参二钱 鲜石斛二钱 灯心三尺 藕五大片

驯龙驭虎汤

喉舌作痛。

驯龙驭虎真珠母，地黄斛玉沉香乳，菱荷莲芍柏子霜，喉舌作痛惊悸愈。

惊悸气促，喉舌作痛。

龙齿二钱 琥珀一钱 真珠母八钱 生地六钱
玉竹四钱 菱皮三钱 石斛三钱 柏子霜二钱 白芍一钱五分 薄荷一钱 莲子二十粒，打碎，勿去心
沉香四分，人乳磨冲

抑木和中汤

肝强脘闷。

抑木和中汤蒺藜，茯苓归郁青陈皮，白茅二术香砂朴，佛手檀香脘闷施。

左关脉弦，右略沉细，为肝气太强，脾胃受制耳，故中脘不舒，饮食减少。

蒺藜四钱 郁金二钱 当归二钱 茯苓二钱
茅术一钱 白术一钱 厚朴一钱 砂仁一钱 青皮一钱 陈皮一钱 木香五分 佛手五分 白檀香五分

调荣敛肝饮

肝虚作痛。

调荣敛肝肝已虚，枣仁枸杞木香阿，芍归芍

味陈皮茯苓，姜枣同煎胀痛除。

肝主藏血故为血海，操烦太过，营血大亏，虚气无归，横逆胀痛。法宜调营敛肝。

归身二钱 白芍一钱五分，酒炒 阿胶一钱五分，蛤粉炒 枸杞三钱 五味子五分 川芎八分 枣仁一钱五分，炒，研 白茯苓二钱 广皮一钱 木香五分 枣二枚 姜三片

悦脾汤

脾湿胀痛。

悦脾腕下至当脐，寒与湿凝胀痛宜，二术香砂乌附曲，生姜薏苡茯苓青皮。

脾本湿土，寒邪乘之，寒与湿凝是为重阴，腕下至当脐胀满作痛。

白术一钱 茅术一钱 茯苓二钱 附子八分 缩砂仁一钱 广木香五分 乌药一钱 苡仁四钱 青皮一钱 炒神曲三钱 姜三片

养胃汤

胃虚作痛。

养胃胃虚腕痛作，异功散入香砂药，白芍黄芪大枣姜，攻坚消导均医错。

胃气虚弱，脘中作痛。

白芍一钱 茯苓二钱 白术一钱 甘草四分
 山药三钱 黄芪二钱 党参四钱 木香五分 砂仁
 一钱 广皮一钱 大枣二枚 姜三片

桂朴汤

胃寒作痛。

桂朴砂归丁芍术，茯苓姜枣陈皮郁，胃寒作
 痛效如①神，纳谷能消呕吐释。

胃气虚寒，不能纳谷，呕吐作痛。

肉桂四分 厚朴一钱 当归二钱 茯苓二钱
 白术一钱 丁香五分 砂仁一钱 白芍一钱，酒炒
 广皮一钱 郁金二钱 枣二枚 姜三片

返蛰汤

胃中虫痛。

返蛰汤中乌鹤雷，术苓陈苡朴砂归，胃中虫
 痛安危系，开口花椒甘四拈。

胃气返逆，长虫不安，其作痛也，陡然而来，
 截然而止。

① 如：原书无，今据上下文补。

当归二钱 茯苓二钱 白术一钱 苡仁四钱
 广皮一钱 鹤虱一钱五分 雷丸一钱 乌药一钱
 砂仁一钱 厚朴一钱 开口花椒廿四粒

产 后

去恶平胃散

恶露冲胃。

去恶平胃甘草停，降香苏木木香行，芎归砂
 末炮姜炭，楂炭桃仁痞啾吞。

恶露未行，平卧太早，以致冲胃，胸脘痞满，
 时时作啾。

当归二钱 川芎一钱 桃仁一钱 炮姜五分
 楂炭三钱 广皮一钱 茅术一钱，炒 厚朴一钱
 木香五分 砂仁一钱 苏木三分 降香五分

去恶清肺汤

恶露冲肺。

去恶清肺姜楂便，苏子桑皮延橘贝，芎归苏
 木降桃仁，气喘鼻掀头汗见。

恶露冲肺，气喘鼻掀，头汗微出。

当归二钱 川芎一钱 桃仁一钱 炮姜五分

楂炭三钱 延胡一钱 苏子二钱 桑皮三钱 橘红
一钱 贝母二钱 苏木三分 降香五分
童便一杯冲服。

去恶清心汤

恶露冲心。

去恶清心眩愒昏，蒲黄桃膝降丹参，芎归苏
木延胡索，楂炭炮姜琥珀灯。

恶露冲心，头眩神昏，不能语言而愒矣，故
于万分危险之中勉立一法以尽人事。

当归二钱 川芎一钱 桃仁一钱五分 炮姜六
分 楂炭三钱 延胡一钱 琥珀一钱 生熟蒲黄各
六分 丹参三钱 牛膝二钱 灯心三尺 苏木三分
降香五分

诊验医方歌括下

霍 乱

黄芩定乱汤 随息居重订霍乱论

治温病转为霍乱，肢不痛而肢冷、脉伏，或肢不冷而口渴，苔黄，小水不行，神情烦躁。

黄芩定乱连萸茹，梔豉英蚕橘夏包，筋转丝瓜生苡米，溺行宣木湿茵翘。

黄芩一钱五分，酒炒 焦山梔一钱五分 香豆豉一钱五分 原蚕砂三钱 制半夏一钱 橘红盐水炒，一钱 蒲公英四钱 川连姜汁炒，六分 陈吴萸一分，泡淡 鲜竹茹二钱

阴阳水二钱煎一钱，候温徐服。转筋者加生苡仁八钱，丝瓜络三钱；溺行者用木瓜三钱，湿盛者加连翘、茵陈各三钱。

连朴饮

治湿热蕴伏而成霍乱，兼能行食涤痰。

霍乱论中连朴饮，夏菖栀豉芦根品，一时湿食热痰宣，谵妄神糊人可醒。

炒厚朴二钱 川连姜汁炒，一钱 石菖蒲一钱
制半夏一钱 香豉三钱，炒 焦山栀三钱 芦根
二两

蚕矢汤

治霍乱转筋，肢冷腹痛，口渴烦躁，目陷脉伏，时行急证。

蚕矢连萸白通草，苡仁豆卷山栀炒，苓夏木瓜二水煎，转筋目陷心烦躁。

晚蚕砂五钱 生苡仁四钱 大豆黄卷四钱
陈木瓜三钱 川连姜汁炒，二钱 制半夏一钱 黄
芩酒炒，一钱 通草一钱 焦山栀一钱五分 陈吴萸
泡淡，三分

地浆或阴阳水煎，稍凉徐服。

驾轻汤

治霍乱后余邪未清，身热口渴，及余热内蕴，身冷脉沉，汤药不下而发呃者。

驾轻呃逆轻能治，石斛山栀西豆豉，扁豆橘红陈木瓜，枇杷竹叶相调剂。

香豉三钱，炒 石斛三钱 橘红盐水炒，一钱
陈木瓜一钱 焦山栀一钱五分 扁豆四钱 枇杷叶二钱 竹叶四钱

一方无枇杷叶、橘红，有冬桑叶二钱，省头草一钱五分。

致和汤

治霍乱后津液不复，喉干舌燥，溺短便溏。

致和甘草麦枇杷，扁豆陈仓石斛沙，竹叶木瓜喉舌燥，津伤乱后服之佳。

北沙参四钱 生扁豆四钱 石斛四钱 麦门冬三钱 陈木瓜六分 生甘草一钱 枇杷叶一片 竹叶十片 陈仓米四钱

连萸解毒汤

姚训恭《霍乱新论》

治霍乱转筋。

连萸解毒汤何如，枳实芩夏白芍俱，渴取西瓜翠衣服，瓜梅再入转筋舒。

川连六分 老吴萸一分 制半夏一钱五分 生枳实一钱五分 黄芩一钱五分 白芍一钱五分

连、萸二味另煎和服，症重者倍用。上焦病甚倍枳、半，下焦病甚倍芩、芍，均须服二煎。渴甚加西瓜翠衣，转筋加木瓜、乌梅。

龙涎丸 张凤逵《伤暑全书》

治暑中迷闷不省人事，及泄泻霍乱烦渴，一服即愈，力能解暑毒豁痰，单用白矾开水点服，治绞肠痧痛。

龙涎诃子飞罗面，甘草白矾梅五倍，暑毒昏迷泻渴烦，去诃用散服尤便。

生白矾一两 五倍子三钱 乌梅二两 甘草一两五钱 飞箩面一两，清明日尤佳

上为末，水调下，名龙须散，一名甘草散，或加诃子肉，入飞箩面拌匀，滴水为丸，每服二钱，细嚼，水下。

左金温胆猪苓汤 岳晋昌《霍乱括要》

左金温胆猪苓协，胶去藿来通马乌，泻多不止理中加，枳壳川连苓六一，呕闷泻心大枣除，枳陈朴茹藿香叶。

吐泻转筋诸证用左金合温胆猪苓汤，去阿胶加藿香、木通，服后痞通呕止而泻多不止，转

用理中加枳壳、黄连、茯苓、六一散治之；若吐泻转筋诸证服左金温胆复方后小便长，泻止而痞闷，烦热呕哕，渴不止者，转用半夏泻心汤去枣，加枳壳、厚朴、橘皮、藿香、竹茹治之。应投理中、四逆之证，务宜加意审察。

藿香左金丸

藿香研入左金多，六一车前白茯苓，朴夏郁金砂枳壳，滴丸姜薤木通糊。

藿香五钱 吴萸四钱 川连三钱 郁金二钱
枳壳二钱 厚朴二钱 制半夏二钱 砂仁二钱 茯苓二钱 猪苓二钱 车前子二钱 六一散三钱

上共研细末，香薷、生姜、木通各一两，煎汤滴丸每服一二钱，开水送下，轻二服、重加之。

痔 疮

秦艽防风汤

治痔疮、痔漏有脓血，大便燥结而痛。《证治准绳》方

艽防黄柏大黄攻，归尾桃仁泽泻红，白术升柴陈草用，便艰血痔直肠松。

秦艽一钱五分 白术一钱五分 归尾一钱五分，
酒洗 桃仁三十个，研 防风一钱五分 泽泻六分
红花少许 陈皮三分 黄柏五分 大黄三分 柴胡
二分 升麻二分 甘草六分

去大黄加蒺藜、枳壳亦可，空腹时稍热服。

湿热下注，大便燥结，包粪难出，酿为痔患，
初证宜攻，年久难愈。轩

泻叶

形尖而长，状如柳叶，用数十片沸水冲服，
专利大便，下三焦之火，泻诸热湿邪积垢，并去
烟毒。轻者服一二次，重至三次，有利无弊，通
畅即止，用代茶饮，极稳极便，附记于此。

便 血

槐花散

肠风脏毒。统旨

槐花散用治肠风，侧柏黑荆枳壳充，为末等
分米饮下，宽肠凉血逐风功。歌仍汪氏

槐花炒 柏叶杵 枳壳麸炒 荆芥炒黑

槐花柏叶凉血，枳壳宽肠，荆芥理血疏风。

除柏叶、荆芥加当归、黄芩、防风、地榆酒糊丸名槐角丸。本方加当归、生地、川芎，入乌梅、生姜煎，名加减四物汤治并同。

费氏医方论曰，肠风下血，中气必虚，再用阴寒，血更凝结，方中去柏叶，加参术归草陈皮庶几有瘳。

土茯苓汤^轩

土茯苓治小便血，银花甘芍通瞿合，滑石山梔荆广皮，灯心萆薢煎汤啜。

湿热滞结膀胱，小便溺血。

瞿麦三钱 赤芍一钱五分 山梔二钱 滑石四钱
广皮二钱 萆薢三钱 土茯苓四钱 银花炭四钱
荆芥炭二钱 木通二钱 甘草五分 灯心尺许

附方：

土茯苓二两 银花炭一两

二味煎服，愈小便血神效，即无群药可也，屡试屡验。

八正散

局方治湿热下注，咽干口渴，小腹急满，小便不通，或淋痛尿血，或因热为肿。

八正木通与车前，扁蓄大黄滑石研，草稍瞿麦兼梔子，煎加灯草痛淋蠲。歌仍汪氏。一方有木香。

萆薢分清饮 杨氏方

治阳虚白浊，小便频数，漩白如油名曰膏淋。

萆薢分清石菖蒲，草稍乌药益智俱，或益茯苓盐煎服，通心固肾浊精驱，缩泉益智同乌药，山药糊丸便数需。歌仍汪氏

疝 气

化气疏肝汤 轩制

化气疏肝坠痛轻，扶脾利湿木香行，升柴参术姜乔饼，官桂金铃通茯苓。

劳力过度疝气坠痛。

西党参二钱 升麻一钱 金铃子二钱 广木香一钱 茯苓三钱 白术一钱五分 柴胡一钱 官桂一钱 木通二钱 小青皮三钱 生姜一片 乔饼半元

加味橘核汤

橘核青皮柴乳没，香砂苦桔通猪泽，川楝枣姜寒湿推，肾囊肿痛俱消释，坚用寒咸香藻昆，海浮智草芎乌橘。

努力受寒，肾囊肿痛。

广木香一钱 金铃子二钱 制乳没三钱 小青皮三钱 苦桔梗一钱 猪苓一钱五分 泽泻一钱五分 柴胡一钱 福橘核三钱 木通一钱五分 砂仁一钱 生姜一片 红枣二枚

又：

橘核四钱 木香一钱 制乳没二钱 益智仁一钱五分 甘草五分 乌药二钱 川芎一钱五分 海藻一钱五分 昆布二钱 酒半杯，过口

筋痛饮

筋脉牵疼养血宜，芎归甘芍桂苓施，黄芪黄柏苍萆薢，灯草丝瓜络治之。

寒湿着于肌肉，筋脉抽痛，宜养血荣筋。

当归二钱 白芍二钱 桂枝一钱 茯苓三钱 黄芪二钱 川芎一钱五分 苍术一钱五分 萆薢二钱 黄柏一钱 甘草五分 丝瓜络二钱 灯心三尺 淡盐水过口

经 产

温经汤《金匱要略》

治妇人年五十，下利数十日不止，暮即发热，少腹里急腹满，手掌烦热，唇口干燥及经期不顺产，虚寒不孕。

温经四物地黄除，丹桂阿胶参草须，姜夏麦
黄金匱法，功专带下擅调和。

吴萸汤泡 当归去芦 川芎 白芍炒 人参
桂枝或用肉桂 阿胶碎，炒 丹皮 甘草炙 半
夏 麦冬去心 生姜

麦冬滋胃液，人参补胃气，生姜行胃气，半夏和胃气，胃气即顺则水谷之积微易于消化，阴生阳长，而血液可充，更以阿胶补血之不足，芍草酸甘相合以助之，归芎行血之停滞，丹皮泻血之伏火，桂枝以和营卫，吴萸以和肝胃，全方注重阳明，一寒一热，一滋一燥，不使偶偏，故能统治带下三十六病，而为调经祖方。

定经汤《傅青主女科》方

治经水先后无定期，属肝肾之郁者。

定经首在调肝肾，精旺气舒天癸正，黑荆熟地芍归柴，茯菟沙来山药顺。

当归酒洗 白芍酒炒 菟丝子酒炒，各一两
熟地黄 山药炒，各五钱 茯苓三钱 荆芥穗炒黑，
二钱 柴胡五分

清水煎服，二剂经水可净，四剂经期可定，此方舒肝肾之气，非通经之药也，补肝肾之精非利水之品也。肝肾之气舒而经通，肝肾之精旺而水利，不治之治妙于治矣。

附方：清肝止淋汤

清肝止淋赤带好，地芍归胶香附枣，柏牛黑豆粉丹皮，火重湿轻肝血少。芍醋炒，归酒洗，生地、香附酒炒，阿胶白面炒。

完带汤

白带。

完带汤医白带宜，疏肝补土芍陈皮，炒来二术和山药，参草柴荆马兜施。山药白术皆炒，荆芥炒黑，白芍车前子酒炒。

痛经丸 轩制

痛经四物术丹参，乳没黄芪益母陈，香附吴

萸牛膝杜，延胡各末水丸吞。

制香附四两，盐酒醋各半，煮干 白术四两，土炒
元胡一钱五分，炒 炒白芍三两 制乳香七钱五分
制没药七钱五分 川杜仲三两 何首乌四两，熟地亦
可 益母草八两，子一两 老吴萸八钱 全当归四两
大丹参四两 陈皮二两 怀牛膝一两 黄芪一两五
钱 川芎一两五钱

上研末水泛为丸如绿豆大，每服二钱，临卧
开水送下。

安胎方《临证指南》

治胎气不安，或腹痛腰痛，或饮食不甘，俱
宜服之，或五六个月常服数帖最妙，足月亦可
服。

安胎芩术归陈芎，草香砂苏叶参芍^①，仲续
治腰榆地血，麦冬治渴去砂仁。

人参五分，虚者加倍 甘草三分 炒白芍一钱
制香附六分，土炒 白术一钱 当归一钱 砂仁末
七分，炒 黄芩一钱 陈皮五分 川芎八分 紫苏
叶一钱

① 芎：原书无，据下文补。

腹痛倍白芍,腰痛加盐水炒杜仲、川断,内热口渴去砂仁,加麦冬,见红加酒炒地榆、生地各一钱。

其二

又四物汤甘草苏,砂陈苓术服之舒,恶阻地黄更竹茹,腹疼枳附血胶蒲。

当归身一钱五分 大熟地一钱 砂仁末一钱
川芎七分 白术一钱五分 陈皮一钱 炒白芍一钱
炒黄芩一钱五分 苏梗五分 炙甘草四分

如或下血加蒲黄、阿胶,腹痛加香附、枳壳,恶阻加竹茹,去地黄。

生化汤

傅青主生化编治产后儿枕骨痛,及恶露不行,血块腹痛等证,通滞和营补虚消瘀。

生化汤须酒便煎,桃仁姜炭草芎归,和营止痛行瘀块,麦味桂麻仔细添。

当归八钱 川芎三钱 桃仁十四粒,去皮尖,研
炮姜五分 甘草五分,炙
黄酒童便各半煎服。

血块痛甚加肉桂七分;渴加麦冬一钱,五味

子十粒；汗多加麻黄根一钱，如血块不痛加炙黄芪一钱以止汗；伤饭食面食加神曲一钱，炒麦芽五分；伤肉食加山楂五个，砂仁末四分。

去瘀生新可加益母草，腹痛加延胡索。轩

清魂散 严用和

治产后恶露已尽，忽昏晕不知人。

清魂散用泽兰叶，人参甘草川芎协，荆芥理血兼祛风，产中昏晕神魂帖。歌仍汪氏

泽兰叶 人参 甘草炙，各三分 川芎五分
荆芥一钱，酒调下

川芎、泽兰和血，人参、甘草补气，外盛风邪，荆芥能疏血中之风，肝藏魂故曰清魂散。

费氏医方论曰，荆芥乃治血晕之圣药，调气血而去外风则神自清矣。

固本止崩汤 《傅青主女科》

治妇人有一时血崩，两目昏暗，晕倒不省人事者，乃虚火也，须于补阴之中行止崩之法，徒用止涩之品，他日仍易于冲击。

固本止崩虚火动，姜归地术参芪共，加来贯仲炭研和，毒解热祛消胀痛。

大熟地一两，九蒸 白术一两，土炒 黄芪三钱，
生用 当归五钱，酒洗 黑姜二钱 人参三钱 贯众
炭末一钱，冲服

一剂崩止，十剂不再发，倘畏药味之重而减半，则力薄而不能止。

附方：

若血崩数日，血下数斗，六脉俱无，鼻中微微有息，不可遽服此方，恐气将脱不能受峻补也。有力者，用辽人参去芦三钱煎成，冲贯众炭末一钱服之，待气息微旺，然后服此方，仍用贯众炭末一钱，无不见效。无力者用无灰黄酒冲贯众炭末三钱服之，待其气接神清始可服此方，人参以党参代之，临服亦加贯众炭末一钱冲入。

加减当归补血汤

治年老血崩症与前同。

当归一两，酒洗 黄芪一两，生用 三七根末三钱
桑叶十四片

二剂而血稍止，四剂不再发，再增入白术五钱，熟地一两，山药四钱，麦冬三钱，北五味一钱，多服则崩漏之根可尽除矣。

固气汤

治少妇血崩小产，凡气虚崩漏者可通治。

人参一两 白术五钱，土炒 大熟地五钱，九蒸
 当归三钱，酒洗 白茯苓二钱 甘草一钱 杜仲三
 钱，炒黑 山萸肉二钱，蒸 远志一钱，去心 五味子
 十粒，炒

一剂而血止，连服十剂全愈。

固气妊娠胎易坠，四君熟地山萸味，远志当
 归杜仲煎，气虚崩漏均堪验。

平肝开郁止血汤

治郁结血崩，口干舌渴，呕吐吞酸而血下崩
 者。

白芍一两，醋炒 白术一两，土炒 当归一两，酒
 洗 丹皮三钱 三七根三钱，研末 生地三钱，酒炒
 甘草二钱 黑荆芥二钱 柴胡一钱

一剂呕吐止，二剂干渴除，四剂血崩愈。

平肝开郁地黄生，芥穗丹皮三七根，除却薄
 荷姜赤茯，逍遥散里此加增。

逐瘀止血汤

治闪跌血崩。

生地一两，酒炒 大黄三钱 赤芍三钱 丹皮
一钱 当归尾五钱 枳壳五钱，炒 龟板三钱，醋炙
桃仁十粒，泡，炒，研

一剂疼轻，二剂疼止，三剂血亦全止，不必再服矣。

凡跌打损伤致唾血、呕血皆宜如此治法。若血聚胃中，宜加川厚朴一钱五分姜汁炒。

清海丸

治血海太热血崩。

大熟地一斤，九蒸 山萸肉十两，蒸 山药十两，
炒 丹皮十两 北五味二两，炒 麦冬肉十两 白
术一斤土炒 白芍一斤，酒炒 龙骨二两 地骨皮十
两 干桑叶一斤 玄参一斤 沙参十两 石斛十两

上十四味研末，炼蜜丸桐子大，早晚每服五钱，开水下，半载全愈。

引精止血汤

治交感血出，久恐血气两伤，血枯经闭，此等之病成于经水正来之时，贪欢交合，精冲血管也。

人参五钱 白术一两，土炒 茯苓三钱 熟地

一两，九蒸 山萸肉五钱，蒸 黑干姜一钱 黄柏五分
芥穗三钱 车前子三钱，酒炒

连服四剂愈，十剂不再发，必慎房帙三月。

欲种子者必待落红后，即三十时辰两日半，
经来之时数足三十时辰，便可入房，一日男二日
女，三日男四日女，五日男六日女，七日男，过七
日即不能受孕矣。

婴 儿

清热镇惊汤

急惊风。《医宗金鉴》

清热镇惊甘胆茯，钩通柴薄栀连麦，风多暴
急行灯心，更用朱砂调末服。

触异致惊，暴发壮热，神散气促，烦急面赤，
脉洪而数。

柴胡 薄荷 麦冬 山栀 川连 龙胆草
茯神 钩藤勾 生甘草 木通 灯心 竹叶
朱砂末调服

牛黄丸

痰盛生惊。

黑白丑各七钱五分 胆星 枳实麸炒 半夏姜制,各五钱 牙皂二钱,去皮弦 大黄一两五钱

上研极细末,白蜜为丸重五分,量儿大小与之,姜汤化下。

凉惊丸

心经有热肝火炽盛。

龙胆草 防风 青黛各三钱 钩藤勾二钱
川雅连五钱 牛黄一钱

上研极细末,面糊为丸,如粟米大,量儿大小与之金器煎汤化下。

泻心导赤汤

心经热甚面红烦躁,口渴尿赤,吐舌伸长而收缓。

木通 生地 川连 甘草 灯心

附注:

急惊风一证,有因目触异物、耳闻异声神散气乱而生者;有因心肝火盛,外为风寒郁闭不得宣通而生者;有因痰盛热极而内动风者;证多暴发,壮热烦急,面红唇赤,痰壅气促,牙关噤急,二便秘涩。噤急者齿紧急不能开也。

清心涤痰汤

惊后。

清心涤痰温胆增，雅连酸枣姜人参，菖蒲胆
麦惊邪退，余热脾虚浊未行。

惊邪一退，余热尚在，脾虚多痰。

薄橘红 制半夏 茯苓 炒枳实 甘草
麦冬 炒枣仁 人参 菖蒲 制南星 川雅连
竹茹 生姜

醒脾汤

慢惊，虚而夹痰。

醒脾虚弱夹痰惊，脉缓神昏大便青，蚕蝎姜
麻六君子，木香陈米胆南星。

脉来迟缓，神气惨惨，昏卧搐搦，身热便青，
乃脾胃虚弱，夹痰而成慢惊。

人参 白术炒 茯苓 天麻 半夏 橘红
全蝎 僵蚕 甘草 木香 胆南星 陈仓米
生姜

缓肝理脾汤

慢惊，脾虚肝旺。

缓肝汤治慢惊来，肝旺脾虚法可推，钱氏异

功山药扁，桂枝白芍枣姜煨。

土虚木盛，气弱神昏，搐搦时作。

桂枝 白芍 人参 茯苓 山药 扁豆
白术 陈皮 甘草 煨姜 大枣

温中补脾汤

慢脾风。

温中补脾脾土伤，六君四逆桂煨姜，砂丁芪芍无阳证，熟地滋阴土更强。

吐泻久而脾气大伤成慢脾风，甚则闭目摇头，面唇青黯，额汗昏眊，四肢厥冷，舌短声哑，频呕清水，乃纯阴无阳之证，宜大补脾土，生胃回阳为主。

人参 黄芪_{蜜炙} 白术_炒 干姜 熟附片
姜制半夏 陈皮 茯苓 砂仁 肉桂_{去粗皮}，研
白芍_炒 甘草_炙 丁香 煨姜

可加熟地滋补脾阴。轩

附注：

慢惊一证或缘禀赋虚弱、土虚木盛者有之，或由急惊过用峻利之药以致转成此证者有之。发时缓缓搐搦，时作时止，面色淡黄或青白相兼，身必温和，昏睡眼合或睡卧露睛，脉来迟缓，

神气惨惨，大便青色，此乃脾胃虚弱，治宜培补元气为主，虚而夹痰者醒脾汤主之，脾虚肝旺者缓肝理脾汤。

定□丹

痼症醒后调理。

定痼归芍茯神甘，天竺天麻橘术咸，参珀枣仁钩夏远，蜜丸姜服小儿安。

人参三钱 当归三钱 白芍三钱 茯神五钱
枣仁五钱 远志二钱 琥珀三钱 天竺黄四钱 炒
白术五钱 橘红三钱 半夏三钱 天麻三钱 钩藤
勾四钱 炙甘草二钱

上为细末，炼密丸如榛子大，每服一丸，淡姜汤化服。

痼证发时，昏倒抽搐，痰涎壅盛，气促作声，与惊痉二证相似，但四体柔软，一食之顷即醒，依然如无病之人，非若痉风一身强硬，终日不醒也。有因惊、因痰、因食、因风之别，病退调理定痼汤主之，大人亦用过。轩

朱衣滚痰丸

治痰痼。气促昏倒，口吐痰沫，服滚痰丸，

气顺痰清而痼自止。

礞石一两，煨 沉香五钱 黄芩七钱 大黄一两

上为细末，水泛丸，朱砂为衣，白滚汤化服。

牛黄丸

治风痼。因汗出脱衣，腠理开张，风邪乘隙而入。发时目青面红，手如数物。宜疏风解表，兼痰者牛黄丸主之。

胆星 全蝎 蚕蜕各二钱五分 牛黄 白附子 僵蚕 天麻各一钱五分 麝香五分

上为细末，煮枣去核皮取肉和丸如绿豆大，每服三五丸，生姜汤化服。

温痧汤《指南》

温痧桔梗汤去黄芩，桑杏鼠黏次第评，赤芍加来易杏仁，阳明疹发疫邪清。

苏荷一钱 连翘二钱 山栀一钱五分 牛蒡三钱 桔梗一钱 杏仁三钱 甘草四分 桑叶三斤

上为清热托邪，治时痧外出。发疹去杏仁加赤芍。

连翘辛凉翘出众草，能升能清，最利幼科，能解小儿六经诸热；赤芍泻肝火散积邪，能行血中之滞。

杏贝二陈汤_{轩制}

杏贝二陈枳壳收，证如天钓桑前牛，痰涎壅塞防增喘，燥逆血呛蔗蜜求。

炒牛子三钱 天贝母二钱 炒枳壳一钱五分
杏仁泥三钱 白茯苓三钱 上广皮二钱 制半夏
一钱五分 前胡一钱五分 甘草四分 桑叶五片

金沸草散_{《活人》}

治伤风发热，憎寒头痛，有汗，嚏涕，鼻塞声重，不时咳嗽，脉浮缓。

消癥青黛饮

斑出已透，用此汤加减清之。

普济清毒饮_{瘟疫}

五虎汤_{《金鉴》}

治马脾风即暴喘也。因寒邪客于肺俞，寒

化为热，闭于肺经，故胸高气促，肺胀喘满，两肋掬动，陷下作坑，鼻窍掬张，神气闷乱，急服此汤。儿生百日内儿此多不救。

五虎汤治马脾风，细茶甘草杏麻同，生姜一片冲膏服，热闭胸高气喘松。

麻黄蜜炙 杏仁炒，去皮尖 生甘草 细茶
白石膏 生姜一片

水煎，临时用药冲石膏服。

豆蔻散

治盘肠气痛则曲腰，由寒邪内搏也。

豆蔻散治盘肠痛，香苏饮纳青皮共，砂仁莪术等分煎，熨炒姜葱盐豉用。

白蔻仁 砂仁 陈皮 青皮醋炒 香附米
炙甘草 蓬莪术等分

每用一钱紫苏叶煎汤调服。

熨脐方

淡豆豉 生姜各二钱，切碎 葱白五茎 食盐
一两

上同炒热，青布包置脐上熨。

香连导滞汤

痢痢。

痢久下痢名痢痢，香连导滞功最良，青陈厚朴川连草，楂曲木香槟大黄。歌本金鉴

热结肠胃，痢兼赤白，腹中窘痛。

青皮炒 陈皮 厚朴_{姜炒} 川连_{姜炒} 生甘草 山楂 神曲_炒 木香_煨 槟榔 大黄 灯心

水煎服。

真人养脏汤罗兼甫

治虚寒肛脱久痢。

真人养脏诃粟壳，肉蔻当归桂木香，术芍参甘为涩剂，脱肛久痢早煎尝。歌仍汪氏

诃子一两二钱，面裹煨 罂粟壳三两六钱，去蒂，蜜炙 肉豆蔻五钱，面裹煨 当归 白术炒 白芍酒炒 人参各六钱 木香二两四钱 肉桂八钱 生甘草一两八钱

每服四钱，脏寒甚加附子。一方无当归，一方有干姜。

脱肛由于虚寒，参、术、甘草以补其虚，官桂、豆蔻以温其寒，木香调气，当归和血，芍药酸

以收敛，诃子、粟壳以止脱。

附方：

小儿泻痢日久不止，当以粟壳乌梅文冰红黑枣煎汤治之顿愈。亦涩以止脱、甘以补虚之意。轩

又方：

久泻伤脾。

炒山药 大麦冬 炒白芍 广木香 山萸肉 大熟地 乌料豆 车前子

参苓白术散 痛泻要方

理脾善后五疳皆合。

参苓白术扁豆陈，山药甘莲砂苡仁，桔梗上浮兼保肺，枣汤调服益脾神。歌仍汪氏

人参 茯苓 白术_{土炒} 陈皮 山药 甘草_炙，各一斤 扁豆_{十二两}，炒 莲肉_炒 砂仁 苡仁_炒 桔梗_{各半斤}

上共为末，每服三钱，枣汤或米饮调服。

钩藤饮

治夜啼。小儿初生夜啼其因有二，一曰脾寒，一曰心热，皆受自胎中，观其形色便知病情

矣。如面色青白，手腹俱冷，不欲吮乳，曲腰不伸者，脾寒也，钩藤饮主之；面赤唇红，身腹俱热，小便不利，烦躁多啼者，心热也，导赤散主之；无上证用蝉花散。

脾寒腹冷夜啼郎，腰曲面青乳不尝，饮取钩藤参草枣，川芎二茯芍归香。

人参 当归 川芎 茯神 茯苓 白芍
 甘草 木香 钩藤 红枣

导赤散 见前

蝉花散

蝉退不拘多少，用下半截研极细末，用少许薄荷煎汤调服。

生地黄汤

治胎黄。

生地黄汤草四物，菱根灯苳茵猪泽，胎黄可去地菱根，加入防风草薤术。

生地 赤芍 川芎 当归 花粉 赤苓
 泽泻 猪苓 甘草 茵陈
 灯心水煎，食前服。

上方除地黄、花粉加萆薢、茅术、防风治胎黄。轩

胎黄者偏体面目皆黄，乃孕妇湿热太甚，小儿在胎受母热毒故生则有是证也。法当渗湿清热。

蒋氏化毒丹

治胎赤。因孕妇过食辛热之物，以致毒热凝结蕴于胞中，遂令小儿生下头面肢体赤若丹涂，热盛便秘。

蒋氏黄连胎赤医，玄参甘桔大黄犀，薄荷青黛蜜丸服，一粒灯心汤化之。

犀角 黄连 桔梗 玄参 大黄 甘草
薄荷各一两 青黛五钱

上为细末，炼白蜜为丸，重六分，每服一丸，灯心汤化下。

犀角解毒饮

治赤游风。此证多由胎中毒热而成，或生后过于温暖，毒热蒸发于外，以致皮肤赤热而肿，色若丹涂，游走不定，行于偏身，多发于头面四肢之间，若内归心腹则死，服此汤治之如不

愈，继以蓝叶散。

犀角饮解赤游风，连芍银翘灯草同，甘地荆防牛蒡子，皮肤赤热忌归胸。

炒牛子 犀角 荆芥穗 防风 连翘 赤芍 金银花 生甘草 川连 生地 灯心
去犀角加人中黄、大黄尤效。轩

蓝叶散

蓝叶柴芩犀角膏，大黄梔草升麻饶，去渣竹沥重煎服，怯弱除黄毒亦消。

蓝叶五钱 黄芩二钱 犀角屑二钱 川大黄二钱，微炒 柴胡一钱 生山梔二钱 升麻一钱 石膏一钱 甘草五分

上为粗末，每用一钱，水一小杯煎五分去渣，兑竹沥一酒盏，煎三两沸，放温，量儿大小用之。气怯弱者可去大黄。

清热泻脾散

治鹅口。白屑生满口舌如鹅之口，由在胎中受母饮食热毒之气蕴于心脾二经，故生后遂发于口舌之间，此汤主之。外用发沾井水拭口，搽以保命散，日敷三次，白退自安，迟必口舌糜

烂，吮乳不得，则难痊矣。

清热泻脾治鹅口，石膏生地赤苓煎，芩连栀子合成剂，加入灯心病已痊。歌本金鉴

川雅连 生山栀 石膏 生地 黄芩 赤茯苓 灯心

保命散

枯矾 朱砂各二钱五分 马牙硝五钱

研末以白鹅粪水搅取汁涂舌与口角，满舌白膩如霜用之。

清胃散

治重龈。牙根肿如水泡名曰重龈，系胎热蓄于胃中。内服此散，外用针刺药疹如治悬痈法，未愈次日再刺拭疹。

清畏散治胃热薰，生地黄连当归身，丹皮升麻石膏煨，临煎须要入灯心。歌本《金鉴》

生地 石膏 黄连 当归 丹皮 升麻
灯心

一字散

辰砂 硼砂各五分 龙脑 朴硝

上为极细末，蜜调少许，鹅翎蘸搽口内，治小儿悬痈。喉里上腭肿起如芦箨盛水状者名曰悬痈。此胎毒上攻须以棉缠长针留锋刺之，泻去青黄赤汁，汤拭口药掺之。

消疔芫萸汤

治牙疔。毒热攻胃，上发龈肉，赤烂疼痛，口臭血出，牙枯脱落，穿腮蚀唇，病热危急，用此汤泻其毒热，外用牙疔散时时敷之。

消疔芫萸芩雄黄，川连胡连芦荟汤，便软不食硝黄去，加入石膏羚羊角臧。服后便软不食去硝黄加膏羚羊。

大黄 芒硝 芫萸 芦荟 川连 胡连
黄芩 雄黄

牙疔散

人中白_{煨存性} 绿矾_{烧红} 五倍子_炒

上各等分研末，加水片少许，再研极细，先用水拭净牙齿，再以此散敷之。有虫者加槟榔。

清热饮

治重舌。近舌根处肿形似舌故名重舌。此

心脾之热，宜服此汤，外吹凉心散。舌肿满木硬不能转动，名木舌，用上一字散能回软。

黄连 生地 木通 甘草 连翘 莲子
淡竹叶
水煎服。

凉心散

青黛 硼砂 黄柏 黄连乳拌，晒 人中白
煅过，各二钱 风化硝一钱 冰片二分
上为极细末重舌吹之甚效。

清热导赤加黄连，莲子连翘入水煎，重舌舌根肿如舌，凉心散末亦堪吹。

换肌清毒散

治初生无皮。儿生无皮有二端，或父母梅毒遗传；或因未足月生早。无皮遗毒传染者，半身赤烂，甚至色带紫黑；生太早者，偏体浸渍，红懒无光，二证俱属恶候。遗毒者内服换肌消毒散，外用清凉膏或鹅黄散敷之；胎元不足者内服当归饮，外用稻米粉扑之。

换肌消毒治无皮，四物银翘土茯苓宜，苦参白藓甘防止，皂刺灯心梅毒遗。

当归 生地 赤芍 川芎 皂刺 茯苓
银花 连翘 甘草 白芷 苦参 防风 白藓
皮 灯心

当归饮赤川芎地,何首痰藜甘芍是,黄芪白
藓并人参,胎元不足无皮治。

何首乌制 白鲜皮 白痰藜 生地黄 生
甘草 全当归 白芍 人参 黄芪 川芎

清凉膏

石灰四两,未经水湿成块者,用水泡之,没
指半许,露一宿,面上有浮起如云片者,轻轻取
之,微带清水,视其多寡对小磨麻油亦如之,以
顺搅成膏为度,用鹅翎搽之自愈。

鹅黄散

黄檗生 石膏煨,各等分

上为细末扑之,湿则干扑,干则用猪苦胆调
搽。

眼不开

小儿初生眼不开者,因孕妇饮食不节,恣情
厚味,热毒薰蒸,以致热蕴儿脾。眼胞属脾,其

脉络紧束故不能开也。用熊胆汤洗之自愈，或内服生地黄汤。

生地黄汤

生地 赤芍 当归 川芎 生甘草 天花粉

水煎服。

熊胆洗法

熊胆，无则用猪胆亦效，黄连各少许，用滚汤淬洗，其目自开。

不小便

小儿初生不小便者，乃胎热流于下也。内服导赤散加黄连、滑石、赤苓。热甚服八正散，外用豆豉膏贴脐上。

豆豉膏

淡豆豉一匀 田螺十九个 葱白一大束

上捣烂，用芭蕉汁调贴脐上，或加玄参、皂角末炒盐，无田螺亦可。

脐湿脐疮

湿用糝脐散，疮则合金黄敷之。

糝脐散

枯矾 龙骨^煨各二钱 麝香^{少许}
上研细末干糝脐中。

金黄散

黄连^{二钱五分} 胡粉^{一钱} 龙骨^{一钱,煨}
上为末敷患处。

胎毒

豆豉汤

淡豆豉轻腐宣发之药也,凡怯弱之儿,或值冬月欲解胎毒者,只将此一味煎为浓汁与儿三五口,其毒自开矣。

浴儿

五枝汤

无论冬夏,断脐后三日,用桃槐桑梅柳枝煎汤加猪胆汁洗之,以去其污积,且能滋润肌肤,令儿少生疮疖。

剃头

杏麻薄膩膏

杏仁^{三枚},薄荷^{三叶},同研,细麻油滴三四点,合膩粉拌匀擦头上,能避风邪,免生疮疖热毒

等症。

通关散

半夏 皂角 细辛 薄荷

共为细末，用笔管吹入鼻内少许。

惊风搐搦必神气昏愤，皆由痰壅气塞，郁结胸中而致，急用此散吹入鼻内，无嚏者不治，有嚏者审其表里虚实随证治。

药性赋

寒性

诸药识性此类最寒。犀角解乎心热，羚羊清乎肺肝，泽泻利水通淋而补阴不足，海藻散癭破气而治疝何难。闻知菊花能明目而清头风，射干疗咽闭而消痈毒，薏苡理脚气而除风湿，藕节消瘀血而止吐衄，瓜蒌子下气润肺喘兮又且宽中，车前子止泻利小便兮尤能明目，是以黄檗疮用，兜铃嗽医，地骨皮有退热除蒸之效，薄荷叶宜消风清肿之施，宽中下气枳壳缓而枳实速也，疗肌解表干葛先而柴胡次之，百部治肺热咳嗽可止，栀子凉心肾鼻衄最宜，玄参治热结毒痢清利咽膈，升麻消风热肿毒发散疮痍。尝闻臑

粉抑肺而敛肛门,金箔镇心而安魂魄,茵陈主黄疸而利水,瞿麦治赤淋之热血,朴硝通大肠破血而止痰癖,石膏坠头疼解肌而消烦渴,前胡除内外之痰实,滑石利六腑之涩结,天门冬止嗽补血冷而润肝心,麦门冬清心解烦渴而除肺热。又闻治虚烦除嘔呕须用竹茹,通秘结导瘀血必资大黄,宣黄连治冷热之痢又厚肠胃而止泻,淫羊藿疗风寒之痹且补阴虚而助阳,茅根止血于吐衄,石苇通淋于小肠,熟地黄补血且疗虚损,生地黄宣血更医眼疮,赤芍药破血而疗腹疼烦热亦解,白芍药补虚而生新血退热尤良。若乃消肿满逐水于牵牛,除毒热杀虫于贯众,金铃子治疝气而补精血,萱草根治五淋而消乳肿,侧柏叶治诸血崩漏之疾,香附子理血气妇人之用,地肤子利膀胱可洗皮肤之风,山豆根解热毒能止咽喉之痛,白癣皮去风治筋弱而疗足顽痹,旋覆花明目治头风而消痰嗽壅。又况荆芥穗清头目便血疏风散疮之用,瓜蒌根疗黄胆毒痢消渴解痰之优,地榆疗崩漏止血止痢,昆布破疝气散癭散痈,疗伤寒解虚烦淡竹叶之功倍,除结气破瘀血牡丹皮之用,知母止嗽而骨蒸退,牡蛎涩精而虚汗收,贝母消痰止咳嗽而利心肺,桔梗下气利胸

膈而治咽喉。若夫黄芩治诸热兼主五淋，槐花治肠风亦医痔痢，常山理疾结而治温疟，葶苈泻肺喘而通水气。此六十六种药性之寒当考图经以博其所治焉。

热性

药有温热又当审详。欲温中以萆芡，用发散以生姜，五味子止嗽痰且滋肾水，膈肭脐疗瘵更壮元阳。原夫川芎祛风湿补血清头，续断治崩漏益筋强脚，麻黄发汗以疗咳嗽，韭子助阳而医白浊，川乌破积有消痰治风痹之功，天雄散寒为祛湿助清阳之药。观夫川椒达下，干姜暖中，葫芦巴治虚冷之疝气，生卷柏破癥瘕而血通，白术消痰壅温胃兼止吐泻，菖蒲开心气散冷更治耳聋，丁香快脾胃而止呃，良姜止心痛之攻冲，肉苁蓉填精益肾，石硫黄暖胃驱虫，胡椒主去痰而除冷，秦椒主攻痛而治风，吴茱萸疗心腹之冷气，灵丹砂定心藏之怔忡。夫散肾冷助脾胃须毕澄茄，疗心痛破积聚用蓬莪术，缩砂止吐泻安胎化酒食之剂，附子疗虚寒翻胃壮元阳之力，白豆蔻治冷泻，疗痢止痛于乳香，红豆蔻止吐酸，消血杀虫于干漆。岂不知鹿茸生精血腰脊崩漏

之均补，虎骨壮筋骨风寒湿毒之并祛，檀香定霍乱而心气之疼愈，鹿角秘精髓而腰脊之痛除，消肿益血于米醋，下气散寒于紫苏，扁豆助脾，酒有行药破血之力，麝香开窍，葱为通中发汗之需。当观五灵脂治崩漏理血气之刺疼，麒麟竭止血出疗金疮之伤折，鹿茸壮阳以助肾，当归补虚而养血，乌贼骨止带下且除崩漏目翳，鹿角胶止血崩能补虚劳羸绝，白花蛇治瘫痪除风痒之癩疹，乌梢蛇疗不仁去疮疡之风热，乌药有治冷气之理，禹余乃疗崩漏之因，巴豆利痰水能破积热，独活疗诸风不论久新，山茱萸治头晕遗精之药，白石英医咳嗽吐脓之人，厚朴温胃而去呕胀消痰亦验，肉桂行血而疗心痛止汗如神。是则鲫鱼有温胃之功，代赭乃镇肝之剂，沉香下气补肾定霍乱之心疼，橘皮开胃祛痰导壅滞之逆气，此六十二种药性之热又当博本草而取治焉。

温性

温药总括，医家素谙木香理乎气滞，半夏主于风痰，苍术治目盲燥脾去湿宜用，芦菔祛膨胀下气制曲尤堪。况夫钟乳粉补肺气兼疗肾虚，青盐治腹疼且滋肾水，山药而肺湿能医，阿胶则

痢嗽皆止，赤石脂治精浊而止泻兼补崩中，阳起石暖子宫以壮阳更疗阴痿。诚以紫菀治嗽，防风祛风，苍耳子透脑涕止，威灵仙宣风气通，细辛去头风止嗽而疗齿痛，艾叶治崩漏安胎而医痢红，羌活明目驱风除筋挛肿痛，白芷止崩治肿疗痔漏疮痈。若乃红蓝花通经治产后恶血之余，刘寄奴散血疗汤火金疮之苦，减风湿之痛则茵芋叶，疗折伤之证则骨碎补，藿香叶辟恶气而定霍乱，草果仁温脾胃而止呕吐，巴戟天治阴疝白浊补肾尤资，延胡索理气痛血凝调经有助。当闻款冬花润肺去痰嗽以定喘，肉豆蔻温中止霍乱而助脾，抚芎定经络之痛，首乌治疥疮之资，姜黄能下气破瘀血之积，防己能消肿去风湿之施，藁本除风主妇人阴痛之用，仙茅益肾扶元气虚弱之衰。乃若破故纸温肾补精髓与劳伤，宣木瓜入肝疗脚气并水肿，杏仁润肺藏止嗽之剂，茴香治疝气肾痛之用，诃子生津止渴兼疗滑泄之疴，秦艽攻风逐水又除肢节之痛，槟榔豁痰而逐水杀寸白虫，杜仲益肾而添精去腰膝重。当知紫石英疗惊悸崩中之症，橘核仁治腰痛疝气之瘕，金樱子兮涩遗精，紫苏子兮下气涎，淡豆豉发伤寒之表，大小蓟除诸血之鲜，益智安神

治小便之烦数，麻仁润肺利六腑之燥坚。抑又闻补虚弱排疮脓莫若黄芪，强腰脚壮筋骨无如狗脊，菟丝子补肾以明目，马兰花治疝而有益也。此五十四种药性之温，更宜参图经而默识也。

平性

详论药品平和性存。以硃砂而去积，用龙齿以安魂，青皮快膈除膨胀且利脾胃，芡实益精治白浊兼补真元。原夫木贼草去目翳崩漏亦医，花蕊石治金疮血行则却，决明和肝气治眼之剂，天麻主脾湿祛风之药，甘草和诸药而解百毒盖以性平，石斛平胃热而补肾虚更医脚弱。观夫商陆治肿，覆盆益精，琥珀安神而散血，朱砂镇心而有灵，牛膝强足补精兼疗腰痛，龙骨止汗定喘更治血崩，甘松理风气而痛止，蒺藜疗风疮而目明，人参润肺宁心开脾助胃，蒲黄止崩治衄消瘀调经。岂不以南星醒脾去惊风吐痰之忧，三棱破积除血块气滞之证，没石止泄泻而神效，皂角治风痰而响应，桑螵蛸疗遗精之泄，鸭头血医水肿之盛，蛤蚧治劳嗽，牛蒡子疏风壅之痰，全蝎主风瘫，酸枣仁去怔忡之病。当闻桑寄生

益血安胎且止腰痛，大腹子去膨下气亦令胃和，小草远志俱有宁心之妙，木通诸苓尤为利水之多，莲肉有清心醒脾之用，没药乃治疮散血之科，郁李仁润肠宣水去浮肿之疾，茯神宁心益智除惊悸之疴，白茯苓补虚劳而益心脾之有准，赤茯苓破结血独利水道以无过。因知麦蘖有助脾化食之功，小麦有止汗养心之力，白附子去面风之游走，大腹皮治水肿之泛溢，椿根白皮止泻痢，桑根白皮主喘息，桃仁破瘀血兼治腰疼，神曲健脾胃而进饮食，五茄皮坚筋骨以立行，柏子仁养心神而有益抑。又闻安息香辟恶且止心腹之痛，冬瓜仁醒皮实为饮食之资，僵蚕治诸风之喉痹，百合敛肺劳之嗽痿，赤小豆解热毒疮肿宜用，枇杷叶下逆气哕呕可医，连翘壳排疮脓与肿毒，石南叶利筋骨于毛皮，壳槩养脾，阿魏除邪气而破积，紫河车破血，大枣和药性以开脾。然而鳖甲治劳疟兼破癥瘕，龟板坚筋骨更疗崩疾，乌梅主便血症痢之用，竹沥治中风声音之失。此六十八种平和之药更宜参本草而求其详也。

诸药主病

中风卒倒不语，牙皂细辛开关为主，痰气盛

南星木香为主,语言蹇涩石菖蒲、竹沥为主,口眼歪斜防风、羌活、竹沥为主,手足搐搦防风、羌活为主,左瘫属血虚芍药为主,右痪属气虚参术为主。诸风防风、羌活为主,伤寒头疼羌活、川芎为主,遍身疼痛苍术、羌活为主,发汗麻黄、桂枝为主,久汗不出紫苏、葱白为主,止汗桂枝、赤芍为主。表热柴胡为主,里热黄芩、黄连为主,大热谵语黄柏、黄连、黄芩为主。发狂大便实大黄、芒硝为主,口渴石膏、知母为主。胸痛脘闷桔梗、枳壳为主,心下烦闷枳实、黄连为主。懊侬栀子、豆豉为主,虚烦竹叶、石膏为主。不眠竹茹、枳实为主,鼻干不得眠葛根、芍药为主。发斑玄参升麻为主,发黄茵陈栀子为主。中寒阴证附子、干姜为主,中暑香薷、扁豆为主,中湿苍术、白术为主。泻心火黄连为主,泻肺火黄芩为主,泻脾火白芍为主,泻胃火石膏为主,泻肝火柴胡为主,泻肾火知母为主,泻膀胱火黄柏为主,泻小肠火木通为主,泻屈曲之火栀子为主,泻无根之火玄参为主。内伤元气黄芪、人参、甘草为主,脾胃虚弱麦芽、神曲为主。消肉积山楂、草果为主,消酒积黄连、干姜、乌药为主,冷积巴豆为主,热积大黄为主,六郁苍术、香附为

主。结痰瓜蒌、贝母、枳实为主，湿痰半夏、茯苓为主，风痰白茯苓、南星为主，痰在四肢经络竹沥、姜汁为主，痰在两胁白芥子为主，老痰海浮石为主。肺热咳嗽黄芩、桑白皮为主，咳嗽日久款冬花、五味子为主，气喘苏子、桑白皮为主，肺寒咳嗽麻黄、杏仁为主。疟疾新者宜截常山为主，久者宜补白豆蔻为主。痢疾初起者宜下大黄为主，里急后重者木香槟榔为主，痢属热滞黄连、枳壳为主，久痢白者属气虚白术、茯苓为主，久痢赤者属血虚当归、川芎为主；冷泻白术、茯苓为主，热泻滑石为主，久泻诃子、肉豆蔻为主，或加升麻、柴胡提下陷之气其泻自止。霍乱藿香、半夏为主，呕吐姜汁、半夏为主。呃逆柿蒂为主，吞酸苍术、神曲为主，嘈杂姜炒黄连、炒栀子为主，顺气乌药、香附为主，痞满枳实、黄连为主，腹满大腹皮、厚朴为主，水肿猪苓、泽泻为主，宽中砂仁、枳壳为主。积聚三棱、莪术为主，积在左是死血，桃仁红花为主，积在右是食积，香附、枳壳为主。黄疸茵陈为主。补阳黄芪附子为主，补阴熟地、当归为主，补气黄芪、人参为主，补血当归、生地为主，消瘀血归尾、桃仁为主，提气升麻、桔梗为主，癆热痰嗽声嘶童便、竹

沥为主,暴吐血大黄、桃仁为主,久吐血当归、川芎为主,衄血枯芩、芍药为主,止血韭汁、京墨为主,尿血梔子、木通为主,虚汗黄芪、白术为主,眩晕川芎、天麻为主。麻者是气虚黄芪、人参为主,木者是湿痰死血苍术、半夏、桃仁为主。癫属心桃仁为主,狂属肝黄连为主,痫证南星、半夏为主,健忘远志、石菖蒲为主,怔忡惊悸茯神,远志为主,虚烦竹茹为主,不寐酸枣仁为主。头左痛芎归为主,头右痛参芪为主,头风痛藁本、白芷为主,诸头痛蔓荆子为主。乌须黑发何首乌为主,耳鸣当归、龙荟为主,鼻中生疮黄芩为主,鼻塞声重防风、荆芥为主,鼻渊辛夷为主,口舌生疮黄芩为主,牙痛石膏、升麻为主,眼肿大黄、荆芥为主,眼中云翳白豆蔻为主,翳障昏暗熟地黄为主。咽喉肿痛桔梗、甘草为主,结核夏枯草为主,肺痈肺痿薏苡仁为主。心胃痛炒梔子为主,腹中痛芍药、甘草为主,腹冷痛吴茱萸、良姜为主,止诸痛乳香、没药为主,腰痛杜仲、故纸为主,胸痛白芥子、青皮为主,手臂痛薄荷、羌活为主,疝气小茴、川楝子为主,脚气湿热苍术、黄柏为主,下元虚弱牛膝、木瓜为主,痿痹参芪为主,诸痛在上者属风羌活、桔梗、桂枝、威灵仙

为主,在下者属湿牛膝、木通、防己、黄柏为主,消渴天花粉为主,生津液人参、麦冬、五味子为主,肢节痛羌活为主,赤白浊茯苓为主,遗精龙骨、牡蛎为主,小便闭不通车前子为主,大便闭大黄、芒硝为主,便血槐花、地榆为主,痔疮黄连为主,脱肛柴胡、升麻为主,诸虫使君子、槟榔为主。妇人诸病香附为主,腹痛吴萸、香附为主,经闭桃仁、红花为主,血崩炒蒲黄为主,带下炒干姜为主,安胎条芩、白术为主,难产芎归为主,产后恶露不行益母草为主,产后虚热炒黑干姜为主,吹乳白芷贝母为主,乳汁不通穿山甲为主,小儿惊风朱砂为主。痈疽金银花为主,发背槐花为主,瘰疬夏枯草为主,败脓不去白芷为主,恶疮贝母为主,疔疮白矾为主,鱼口牛胶穿山甲为主,疳疮五倍子为主,杨梅疮土茯苓为主,廉疮轻粉、黄柏为主,杖疮跌伤童便好酒为主,疥疮白矾、硫黄为主,癩风蜜陀僧为主,诸疮肿毒连翘、牛蒡子为主,破伤风南星、防风为主。汤伤火烧白矾为主,犬咬杏仁、甘草为主,癩狗咬斑蝥为主,蛇咬伤白芷为主,中诸毒香油灌之为主,香油即麻油也。